

MAHITA NY

TOERANY FOANA IREO

FANOMEZAN'ANDRIAMANITRA

 Misaotra anao, Rahalahy Neville. [Hoy Rahalahy Neville hoe, “Andriamanitra hitahy anao, rahalahy.”—Mpand.] Ny Tompo hitahy anao, rahalahy.

Manao ahoana, ry sakaiza. Vao avy niditra fotsiny aho, vao teo, ka nieritreritra fa afaka ho tonga sy hirary ho anareo rehetra ny “Krismasy Sambatra.”

² Ary noho izany dia tsy fantattro fa hoe hanana an’ity tombontsoa lehibe hiresahana aminareo ny amin’ny Tenin’ny Tompo ity aho. Ary noho izany dia nanontany ahy Rahalahy Neville, ary nanana lahateny kely maro an’ny Krismasy aho izay efa nampiasaiko, ny iray tamin’izy ireo dia tany—tany Phoenix sy tany Tucson tany, toerana maro nanodidina tany, hafatry ny Krismasy mahazatra iray. Dia nieritreritra aho, izao hariva izao, fa hiresaka eo amin’ny zavatra kely iray aho eto izay napetraky ny Tompo tao an-tsaiko vao haingana, raha tany Colorado aho.

³ Koa nieritreritra teo amin’ny zavatra iray tamin’ny fotoan’ny Krismasy aho, ary manana naoty kely eo amin’ny dimy na enina eo aho voasoratra eto, ireo Soratra sy ny sisa. Ny... Tsy fantattro... Ataoko fa Rahalahy Neville sy ireo mpitoriteny rehetra dia manao an’izany. Ianareo... toy ny hoe misy zavatra iray tonga aminareo, ary mandray naoty an’izany ianareo. Miandry vetivety ianareo, ary manoratra azy. Izaho dia mametrakta azy eo amin’ny ravin-taratasy iray, eo amin’ny ravin-taratasy iray fotsiny. Amin’izay fotoana izay rehefa voaantso aho indraindray, dia mijery manerana eto aho ka manao hoe, “Inona ity azoko ity ankehitriny?” Tahaka an’izany ilay izy, rehefa voaantso haingana mihitsy ianareo, fantatrareo.

⁴ Mazàna, izaho... fony aho tanora, dia afaka fotsiny aho... ny saiko dia tena, afaka nieritreritra an’ity teo no ho eo aho, ary tsy nila niandry, mieritreritra aho hoe “Folo andro lasa izay dia tany amin’ny toerana izao, sy izao aho. Ity ilay lahateny. Ity ilay izy, ary ity no izy.”

⁵ Fantatrareo, hatramin’ny nihoorako vato famantarana halaviran-dàlana vitsivitsy, Rahalahy Higginbotham, sy niampitako renirano vitsivitsy, dia tsy tahaka an’izany intsony mihitsy no nahatongavany, lasa lavitra kely an’ilay lâlana aho.

Saingy ilay izy . . . araka ny nolazain-dRahalahy Neville, vao teo hoe, "Isika dia lasa akaiky kokoa, akaiky kokoa ny Trano."

⁶ Tsara ny tafaverina ato an-trano indray. Izaho, teo am-piverenana, nahoana, tena nanoram-panala mafy. Ary misy . . . ary nandre an'ireo loza sy ny sisa, maro amin'izy ireo teny an-dàlana, ary maty ny olona. Dia eritrereto fotsiny hoe an-jatony firy no hahavery ny ainy ankehitriny, eo anelanelan'izao hariva izao sy aorian'ny Taona Vaovao, Amerikana firy no ho faty! Ary fantatrareo, mety ho ny sasany amintsika eto mihitsy izany, izao hariva izao. Ary miankina amin'izao ankehitriny izao mihitsy izany, hoe . . . ny toerantsika eo anatrehan'Andriamanitra. Firenena mampalahelo iray izy, hoy ity rahalahy ity, alahelo hatraiza hatraiza. Ary ny sainantsika dia efa nitsangana, telopolo andro, nisaona, izany rehetra izany dia nohon'ny fahotana sy ireo olona izay tsy nanaiky ny fomban'Andriamanitra amin'ny—amin'ny—amin'ireo zavatra.

⁷ Na dia afaka tsy mifanaraka amin'ny olona iray aza isika, raha mbola tsy afaka manao an'ilay izy amin'ny fomba arapirahalahiana isika, ka avy eo . . . Hitanareo, raha Kristy no ao anatin'ny fo, amin'izay fotoana izay dia tsy mampaninona na impiry ianareo no tsy mifanaraka amin'ilay olona, dia mbola manana fitiavana azy foana ianareo ary manaja. Tsy mifanaraka amin'ny olona maro aho, matetika. Fa mbola, tsy mbola nahita anankiray mihitsy aho izay tsy nifanarahako ka tsy nieritreretako mihitsy afa-tsy ny "hametraka ny sandriko manodidina azy ary hiantsso azy hoe 'ny rahalahiko,' miezaka ny hanampy azy amin'ny tsara indrindra izay vitako." Tsy mifanaraka aminy aho satria mihevitra aho angamba fa eo amin'io tsi-fifanarahana io izay izy . . . Izay inoany, dia mety tsy mino fotsiny an'izany tahaka azy aho, saingy . . . sy ny sisa, saingy mety manandrana mampiseho aminy ny fombako aho ankehitriny raha mampiseho amiko ny azy izy, ary manambatra azy ireo sy mandinika dia mahita hoe inona no azonay, saingy tsy fifanarahana tahaka an'izany. Fa mandra-pahatonga an'ilay izy fotsiny eo amin'ny . . . tsy tokony ho tezitra mihitsy isika na te-handratra, na hanimba na zavatra iray. Tokony hiezaka foana isika hanatsara.

⁸ Mandalo fotoana mangatsiaka iray isika eto, sa tsy izany? Roa amby fitopolو rehefa niala tany Tucson aho, ary rehefa nilentika ny masoandro ka lasa maizina, dia mbola sivy amby enimpolo ilay izy. Koa, rehefa niverina aho avy eo, dia nangovitra tanteraka aho, fantatrareo. Izaho . . . Io lâlana rehetra feno oram-panala io, ary ambanin'ny aotra, ary ranomandry sy ny sisa, tsy maintsy nizatra tanteraka an'ilay izy indray aho. Tena hafahafa ny hoe ahoana no ahafahanareo tena lasa "araka ny toetr'andro" ao amin'ny—ny fomba kely iray. Ary hatramin'ny nandaozako anareo, dia zara aho raha nanana anjara ho afaka mahari-miaina. Izaho dia tratry ny . . . tahaka ny aretin'ny

taolan'orona iray ao amin'ilay—ilay toetr'andro eto, ary satria miha-antitra aho... Ary teraka sy lehibe teto aho. Saingy rehefa, hitanareeo, rehefa tanora ianareo, dia manana zavatra iray, izay azonareeo ialana; fa rehefa miha-antitra ianareo, nahoana, dia manomboka mahita ianareo fa misy zavatra tsy ao. Ilay izy taloha dia, afaka manadino ny amin'izany fotsiny ianareo. Ianareo... misy zavatra ao izay—izay tsy ho afaka fotsiny tahaka ny nahafahany fony ianareo ankizy iray, noho izany dia hitako fa tahaka an'izany aho... io toetr'andro mafana io, ho an'ny lehilahy antitra iray, dia karazan'ny manampy kely fotsiny.

⁹ Tsaroako aho nandeha nidina an'io Utica Pike tany io, raha mbola ankizy iray (fito, valo, folo, roa ambin'ny folo, efatra ambin'ny folo taona), tsy nanao kiraro (kiraro tennis) ary valo na folo ambanin'ny aotra ilay izy, ary kiraro tennis, nivoaka avy tao amin'izy ireo ny rantsan-tongotra. Ary tsy... ankehitriny izany dia tsy hoe mandeha tahaka ny eto amin'ny lèlambe eto, fa mamakivaky ny oram-panala. Tsy nisy fiara nandeha, mahalana no mety hisian'ny fiarabe iray. Nandeha nidina teo amin'io lèlana io aho indray maraina, nanao palitao tranainy kely, tsy nisy lobaka, ary niraikitra tahaka an'izao ilay izy, tsy mihoatra an'izay anaovako izao ankehitriny izao; kotsa hatrany amin'ny lohaliko, nanohy nandeha mihitsy ary tsy miraharaha an'izany. Hitanareo, zara aho raha nangatsiaka. Fa teo amin'ny dimy amby efapolo taona lasa teo izany. Noho izany, fahalemena betsaka, nandeha maily betsaka ary voasoratra eo amin'ny tabilao kilometrika, fantatrareo, noho izany dia tsy manao an'ilay izy tahaka ny nanaovantsika azy taloha intsony mihitsy isika.

¹⁰ Nahita an-dRahalahy Capps nanatraka ny lohany aho. Tanora loatra ianao mba hieritreritra an'ireo fisainana ireo ankehitriny. Ary noho izany dia andraso mandra-pahatonganao eo amin'izay misy ahy sy Rahalahy Neville, amin'izay fotoana izay—amin'izay fotoana izay ianao dia—hieritreritra fahasamihafan-javatra betsaka, karazana fahalemena.

¹¹ Eny, nanana fotoana lehibe isika tao amin'ny Tompo. Nitahy antsika betsaka ny Tompo, ary tena mankasitraka aho. Ary miverina aho, heveriko, amin'ny Alahady manaraka, raha sitraky ny Tompo, dia tiako, raha tsy mampaninona an-dRahalahy Neville, ny... manana asa iray aho, fara-fahakeliny amin'ny Alahady maraina ary angamba ny Alahady hariva, asam-panasitranana iray ho an'ny Alahady hariva. Amin'ny Alahady maraina dia manana hafatra lehibe iray aho, raha sitraky ny Tompo ny hitondrako azy. Tsy mbola nandinika ny lahateniko aho... tsy misy afa-tsy lahateniko fotsiny, tsy misy tsoa-kevitra ao amin'izany, satria aho—aho... tsy nisy—tsy nisy mihitsy, fantatrareo, fanambarana avy tamin'ny Tompo, fa tao amin'ny ahy irery fotsiny. Izaho—tiako ny haneho zavatra iray

amin'ny Alahady izay antenaiko fa ho karazana fanampiana kely eo amin'ireto lâlana ireto.

¹² Tsy maintsy handeha ao amin'ny saha aho ankehitriny, ary saiky alaina hatraiza hatraiza foana aho isan'andro. Heveriko fa i Billy no niteny tamiko, eo amin'ilay fandaharana, fa manana roa na telo andro aho izay ahafahako hody any an-trano amin'ny Aprily rehefa avy miala eto aho, hiverina any Tucson, ary saiky milamina hatreo izany amin'izay fotoana izay. Ary avy eo dia manohy hatrany amin'ny Novambra manaraka, Oktobra, rehefa miverina eto amin'ity ilany ity indray aho avy any am-pitan-dranomasina.

¹³ Ankehitriny, mbola misy roa andro alohan'ny Krismasy. Mbola misy iray andro, sa tsy izany? Ho roa andro izany. Alatsinainy... Talata Ankatoky ny Krismasy ve? Talata Ankatoky ny Krismasy. Tsy mampahatahotra ve ny mahita fa ity andro fety lehibe ity, izay hatonintsika, dia manatona amin'ny fomba izay anatonany? Tena zavatra mahonena iray ilay izy, tena za-za-zavatra tsy voahevitra iray, ny mieritreritra fa-fa ireo bitro sy ny-ny angano iray nantsoina hoe "Kriss Kringle" (Santa Claus) sy ny sisa, no nanaisotra an'ilay tena vidiny ho lavitra ny maha-Krismasy.

¹⁴ Ankehitriny, isika tsy... isika-isika tsy mahafantatra, ary tena tsy mino mihitsy tokoa aho... Nidina fotsiny aho, ny vadiko iry aoriania iry, ary izaho... nandeha teny an-dàlana, dia nihaino mpandinika habakabaka iray; fa ankehitriny, nanaiky ny hevitra iray fotsiny izy ireo izay notenenin'ny mpandinika habakabaka iray tamiko taona maro, maro lasa izay, fony aho mpiandry saha iray fotsiny teto Indiana. Rehefa niteny tamiko izy ireo fa... hoe ahoana no nahatongavan'ireo kintana ireo niaraka, tahaka ny notenenin'ilay mpandinika habakabaka voalohany fotsiny sy izay iforonany, izay nolazain'izy ireo fa ho zavatra ara-boajanhary izay mitranga isaky ny, mino aho fa nilaza izy izao hariva izao hoe, valonjato taona, na zavatra tahaka an'izany. Ary mamorona ny tenany indray izany, an'i: Sardis sy Jupiter, ary adinoko; ary Mart... Mars; tsia, izaho... diso izany. Ilay izy dia ny sasany amin'ireo kintana hoe ahoana no andehanan'izy ireo haingana rehefa mampihaona an'ireo fihodinany izy ireo ao amin'ny filaharan'ny tany, nefo io mpandinika habakabaka io izao hariva izao dia niezaka ny hiteny fa zavatra ara-boajanhary iray tokoa ilay izy. Izaho-izaho tsy-tsy manaiky an'izany aho. Izaho dia mino fa zavatra iray ivelan'ny voajanhary izany, izay nataon'Andriamanitra. Izzy, ireo zavatra ireo dia ivelan'ny voajanhary amin'Andriamanitra. Ivelan'ny voajanhary Izzy.

¹⁵ Ary—ary nandinika aho ka fantatro fa mifanitsy amin'ny Aprily indray izany ankehitriny, izaho dia... raha sitraky ny Tompo ny haha-ela velona ahy, dia ho dimy amby dimampolo taona aho. Hitanareo? Ary izaho—fantattro ny...

Fa eo am-pijerena ny fiainako tany aoriana, dia manontany aho hoe taïza no nitrangan'izany. Hatramin'ireo Krismasy kely voalohany, rehefa nanantona an'ireo bàn-kiraronay izahay, ary Mama naka... Mety nahazo voasary iray angamba izahay, ary vatomamy kely mitsipitsipika roa na telo, ary izany no Krismasy malaza iray ho anay. Saingy, fantatrareo, ireo ankizy izy ireo—manantena an'ireo fanomezana izy ireo. Isika—hitantsika fa—fa ny Krismasy dia ho an'ireo... dia ireo ankizy indrindra, izy ireo—manantena an'izany izy ireo amin'ity andro ity. Izany—nivadika ho an'ireo ankizy izany. Fa raha ny marina dia tokony ho ireo olon-dehibe ilay izy; tokony ho fampianarana an'ireo ankiziny izany hoe inona marina ny Krismasy.

¹⁶ Ary tsy mino tanteraka mihitsy aho fa—fa nety ho teraka tamin'ny faha-dimy amby roapolon'ny Desambra Kristy, tany Jodia, satria mangatsiaka kokoa noho ny eto izao ankehitriny izao mihitsy tamin'izany. Hitanareo? Oh, ary ahoana no nahafahan'ireo mpiandry ondry hiandry ny biby fiompiny amin'ny alina? Ary—ary avy eo ilay fanisam-bahoaka sy ny sisa, ary tsy maintsy tonga avy tany amin'io halavirana io i Maria, avy tany Betlehema nankany Jodia, nankany Jerosalema, raha ny marina, tany amin'ilay... ho an'ilay fanisam-bahoaka. Izaho—izaho—zara aho raha afaka—afaka hino an'izany. Tonga izy, mino aho fa tonga tany Nazareta izy, ary noho izany rehefa... Ahoana no—no nahafahan'izany ho vita. Izany dia tsy nety ho—ho vita, fa mino aho fa teraka tamin'ny lohataona iray Kristy, satria amin'ny fomba rehetra dia Zanak'ondry iray Izy. Hitanareo? Voamarikareo ve, fa teraka tao amin'ny tranom-biby iray Izy, fa tsy trano iray?

¹⁷ Ary rehefa nitondra Azy teo amin'ny hazo fijaliana izy ireo (ireo hafa), araka ny fantatsika, fa tsy nilaza mihitsy izy mikasika ny hoe Izy no nitarika azy ireo, fa izy ireo no nitarika Azy. Efa fantatrareo ve fa ny zanak'ondry iray na ny ondry iray dia tsy maintsy tarihina mankany amin'ilay mpamono? Izy—tsy izy no handeha ho any amin'ilay mpamono, ianareo—ianareo no tsy maintsy mitarika azy any. Ary mazàna dia osy iray no mitarika an'ilay ondry. Ao amin'ilay—ao amin'ilay fefimbiby famonoana, dia manana osy iray izy ireo. Ary hiakatra eo amin'io lâlantsara io ilay osy, mandra-panaony an'ilay ondry hanomboka hidina ao amin'ilay lâlantsara mba ho vonoina, ary avy eo dia hitsambikina hivoaka ilay osy. Fa rehefa tonga eo amin'ny fotoana izay hamonoany an'ilay osy izy ireo, dia hitsipatsipaka hanao tantara iray marina tokoa izy (tsy maintsy miditra izy) saingy, mazava ho azy, tsy afaka manome tsiny azy ianareo. Fa—fa izany dia za—zavatra iray hoe ahoana fa tsy maintsy tarihina ny ondry iray, ary notarihina nankany amin'ilay mpamono Izy. Izy ireo no nitarika Azy. Zanak'ondry iray Izy. Ary mino aho fa miaraka amin'ny natiora rehetra izany, ary ireo zanak'ondry dia teraka ny Marsa, Aprily, any ho any eo

amin'izany, tsy mihoatra ny Mey. Ary tsy mino aho fa zavatra iray alohan'ny Marsa izany ary tsy zavatra iray aorian'ny Mey, andro iray manodidina an'izany.

¹⁸ Fa rehefa ny fiangonana, Kristianisma, no nivady tamin'ny Romanisma, izay tao amin'ny Fivoriamben'i Nise, rehefa nanaiky izy ireo...nanaiky ny Kristianisma ilay firenena Romana ka nanao an'izay nantsoin'izy ireo hoe fivavahana maneran-tany, dia izany no Kristianisma. Nanao fivavahana maneran-tany izy ireo, ary nanompo sampy, ka nanana andriamanitra masoandro iray izy ireo.

¹⁹ Ary izao ankehitriny izao, manomboka ny—manomboka ny faha-iraika amby roapololo ka hatramin'ny faha-dimy amby roapololo, dia saiky mijanona ao amin'ilay fizotrany iray ihany ny masoandro rehefa mandalo izy. Inona no iantsanareo an'izany? Efa ny...Nihevitra aho fa fantatroy ilay izy, saingy tsy afaka mieritreritra an'ilay izy aho. Rehefa ny masoandro no—no...izy—mahazo fotoana betsaka izy ary mahavery fotoana betsaka, hatrany amin'ny faha-dimy amby roapololo, eo anelanelan'ny faha-iraika amby roapololo sy faha-dimy amby roapolon'ny Desambra. Oh, adinoko hoe inona no iantsanareo an'ilay izy. Inona? [Hoy ny olona iray ao amin'ny fiangonana hoe “Eklipsa?”—Mpand.] Tsia, ny eklipsa dia rehefa mandalo izy, mandalo miaraka ny masoandro sy ny volana. Zavatra iray ao amin'izany ilay izy, oh, izaho—izaho—saika afaka milaza azy aho saingy tsy afaka izao ankehitriny izao. Na ahoana na ahoana, ilay izy dia ilay fipetrahan'ny masoandro tsara izay nantsoin'ireo Romana (izany dia rehefa mandeha ilay fampilalaovana biby), izany dia nantsoina hoe ny *andro nahaterahan'ny andriamanitra masoandro*. Mankalaza an'izany izy ireo manomboka ny faha-iraika amby roapololo ka hatramin'ny faha-dimy amby roapolon'ny Desambra.

²⁰ Koa noho izany, satria niova fo io, Roma tao amin'ny...Nekena ny Kristianisma, tamin'ny fomban'izy ireo tao Roma, tamin'izay fotoana izay dia hoy izy ireo hoe, “Hanao an'ilay fankalazana iray ihany isika, ka hanao ny *andro nahaterahan'ny Zanak'Andriamanitra*.” Hitanareo? Ilay andriamanitra masoandro, andro nahaterahan'i Jupiter, avy eo ny andro nahaterahan'ny Zanak'Andriamanitra, ny faha-dimy amby roapolon'ny Desambra, ary izany... .

²¹ Fa fahasamihafana inona no ataon'izany? Hitanareo, amin'izao andro izao isika dia...Ilay izy na dia ny...raha nataon'izy ireo ny Jolay na Aogositra izany, na mety oviana na oviana, dia mbola fahamasinan'ny fahatsiarovana foana izany hoe “Andriamanitra dia nanome antsika ny fanantenana izay ananantsika ao anatintsika.”

²² Ary ankehitriny, hoy ianareo hoe, “Eny, ny sisa amin'ireo dia Santa Claus daholo ary manohy tahaka ny ataon'izy ireo;

nahoana, mety tsara amintsika fotsiny ny manao an'ilay izy." Tsia, tompoko! Tsia, tsy fankalazana mpanompo sampy iray ity amintsika, ora masina iray ity. Raha tsy nisy ny Krismasy, dia tsy ho nisy ny fitsanganana. Raha tsy nisy ny Krismasy: dia tsy ho nisy ny fitiavana, tsy ho nisy ny fiadanana, tsy ho nisy ny any ankoatra ho an'ny mpino; raha tsy nisy ny Krismasy.

²³ Ary ankehitriny, hoy ianareo hoe, "Eny, raha ny sisa amin'izao tontolo izao, izy ireo fotsiny..." Eny, hitanareo, ilay tselatra misampantsampana eny amin'ireo lanitra mainty, feno rahona, dia maneho fa mety misy hazavana ao amin'ny fotoan'ny aizina. Ireto jiro androany hariva ireto no manaporofa an'izany, hoe mety misy hazavana amin'ny fotoan'ny aizina. Ary oviana no amiratan'ny hazavana amin'ny tsarany indrindra? Ao amin'ny aizina. Ampireheto amin'ny andro atoandro ireto jiro ireto, mamiratra ny masoandro, fa zara ianareo raha hahamarika fa mirehitra izy ireo. Saingy hazavana anankiray kely fotsiny, bitika dia hamiratra tena mazava ao amin'ny fotoan'ny aizina iray. Ary izao ankehitriny izao dia aizina nefá tokony hanome fijoroana vavolombelona iray ny Kristiana rehetra ny amin'ny fanantenana izay ao anatiny, ny amin'i Jesosy Kristy ilay Zanak'Andriamanitra; tsy Kriss Kringle iray izay teraka tany aoriana tany, fantatrareo, sy karazana hazo iray mirehitra ary nandeha nitety ny ala indray alina, tantara foronina iray izay tsy misy fototra ao aminy. Fa isika dia mino mafy eo amin'ny Tenin'Andriamanitra nampanantenaina ny amin'ny fihavian'ny Mesia iray, ary teraka tamin'ny andro Krismasy Izzy, roapolo... saiky roa arivo taona lasa izay, mino isika.

²⁴ Noho izany, izao hariva izao dia hiresaka kely amin'ny fomba hafa iray isika. Ataoko fa efa niresaka ny pasiteranareo, ary angamba hiresaka indray amin'ny Alarobia hariva satria aho-fantattro fa namela lahateny sasany izy na zavatra iray, mba hanome ahy an'ity lampihazo ity izao hariva izao. Ary tiako ny hitondrany an'izany, tiako ny hihaino azy.

Fa, alohan'ny hanaovantsika an'ity mihitsy ankehitriny, dia ndao isika hanondrika ny lohantsika indray ho an'ny fotoambavaka iray:

²⁵ Ray any An-danitra, ity fotoana masina lehibe ity, rehefa mieritreritra an'ireo zavatra samihafa ato amin'ity Soratra eto ity izahay, hoe na aiza na aiza alehanay, ao amin'ny Testamenta Taloha, dia miresaka ny amin'ilay andro izay hanirahan'Andriamanitra Ny Zanany. Ahoana fa ireo mpaminany tany aoriana tany dia nanokana ny fotoany ho an'ny faminaniana ny amin'ny hahatongavan'ny Tenin'Andriamanitra amin'izy ireo. Ary naminany izy ireo tamin'ny androny ka niteny mialoha an'ireo zavatra izay hiseho, ary hitanay fa izany rehetra izany dia tanteraka tany Betlehema tamin'io alina io izay nitiavan'Andriamanitra loatra an'izao tontolo izao ka Nomeny Ny Zanany lahitolana. Misaotra Anao izahay ny amin'izany.

²⁶ Ary ankehitriny, Tompo, izao hariva izao raha mipetraka eto izahay mba—mba hiresaka eo amin’Ny Teninao; ary tena masina Izany, Tompo, ka izany no antony itiavanay miresaka Aminaovalo hany. Ary mangataka izahay mba Hanokafanao ny fahazoanay Ny Teninao. Amin’ny Anaran’i Jesosy no angatahanay an’izany. Amena.

²⁷ Ankehitriny dia tiako ny hamaky Soratra sasantsasany eto, tantara Krismasy iray mahazatra fotsiny, ho an’ny Soratra izay hita ao—ao amin’ny Matio, ny toko faha-2. Ary raha mbola mamadika ao amin’izany ianareo, ary Jaona 3:16.

²⁸ Ary indray hariva tany Phoenix...Raha ianareo olona ao amin’ny horonam-peo eto, miaino an’ireo horonam-peo, dia tiako ianareo hihaino an’io anankiray io hoe: *Nahoana No Tsy Maintsy Tonga Tao Betlehema Jesosy*. Nahoana Izy no tsy maintsy nanao an’izany? Ary ireo mari-pamantaran’i Davida teo ireo, nipayraka ary—ary niandry teny an-tendrombohitra, niondrika ka nahita an’ilay tafika Filistina nitoby. Ary nampitaha an’izany marina tokoa ny amin’izao andro izao aho, ka hitako hoe Betlehema...inona no dikan’izany.

²⁹ Fa Kristy no Betlehemantsika, ary afaka manaporofa aho fa ny olona rehetra izay naterak’Andriamanitra dia teraka tao Betlehema, satria Kristy no Betlehema. Ary izany Izy, ny *Mofon’Aina*. Fa Beth, *B-e-t-h* dia midika—midika hoe “trano,” *E-l* dia “Andriamanitra,” ary e-l-h-e-m dia *Elhem* izay midika hoe “mofo,” ary “Tranon’ny Mofon’Andriamanitra.” Koa Jesosy Kristy no “Tranon’ny Mofon’Andriamanitra,” Mofon’ny Fiainana Mandrakizay. Ary ny olona rehetra izay nateraka tao amin’i Kristy, dia teraka tao *Betlehema* ianareo, “Tranon’ny Mofon’Andriamanitra.” Ary ahoana fa mitoby ireo fikambanan’ny ireto fiangonana ireto amin’izao andro izao, tahaka an’ireo Filistina, mba hisakana ny olona tsy ho eo amin’Izany.

³⁰ Ary ahoana fa ireo lehilahy mahery fo ireo, izay nahafantatra fa Davida dia voahosotra ary ho lasa mpanjaka indray andro any...tena tsy nalaza tamin’izany, satria mpandositra iray izy teo anivon’ny vahoakany, fa indray andro dia tonga ny antsony. Nanana lehilahy mahery fo izy ireo niaraka taminy. Ary tsarovy, ireo lehilahy ireo dia Jentilisa, saiky ny tsirairay avy tamin’izy ireo dia Jentilisa, tena tandindona iray tsara tarehy an’izao andro izao. Ary tena nahery fo ny lehilahy anankiray, ka nahafaty lehilahy valonjato tamin’ilay...tamin’ny lefony, irery, tao anatin’ny indray andro. Ary nisy anankiray hafa tany amin’ny saham-boanemba, ary tonga ny tafika iray, antoko iray. Ary nandositra izy rehetra, fa izy nitsangana teo ka namono an’ireo lehilahy mandra-pahareraky ny sandriny. Ary avy eo nisy anankiray hafa, ahoana fa nitsambikina tao anatin’ny lavaka iray izy ka namono liona iray tamin’ny andro feno oram-panala, izy irery. Ary ny Filis...na Egyptiana iray no nanenjika azy,

niaraka tamin’ny lefona lava iray, dia naka tsora-kazo iray izy ka namely an’io lefona io hiala tamin’ny tànany, nandray an’ilay lefona ka namono an’ilay Egyptiana izy tenany, ary namono kapiteny telonjato.

³¹ Ary nomena lehilahy malaza! Niantsoantso i Davida hoe, “Raha afaka misotro indray mandeha aho, hitanareo, avy amin’io fantsakana io!” (izay nampisotroiny ny ondrinny rehefa nivoaka izy ny maraina, avy tao amin’ilay valan’ondry, nila fisotroan-drano iray izy ireo) Dia nisintona ny sabany ireto lehilahy ireto ka niady tamin’ny lehilahy hatrany amin’ny dimy ambin’ny folo maily, nitondra an’io rano io niverina.

³² Dia hoy Davida hoe, “Ho lavitra ahy anie, ny hisotro an’izany.” Dia nararany tamin’ny tany izany ho fanatitra aidina iray ho an’ny Tompo. Tandindona iray tsara tarehy toy ny inona an’ilay zavatra iray ihany, an’ity Jaona 3:16 ity, izao hariva izao.

...toy izao no nitiavan’Andriamanitra an’izao tontolo
izao, fa Nomeny Ny Zanany lahitolana, ...

³³ Ary inona no nataon’i Kristy? Ny Aina izay Nananany mba ho velona Mandrakizay, dia Nararany tamin’ny tany avy teo amin’ireo Làlan-dràny izany, ny Fiainany ara-boajanahary, tamin’ny tany ho fanatitra nohon’ny ota ho antsika. Ary ahoana fa ireo Jentilisa amin’izao andro izao, ireo lehilahim-boninahitra, lehilahy, lehilahy malaza, no maka an’ilay sabatra, sy mitsangana eo ary manivatsiva eo amin’ny lèlany mba hahazo rano fisotro madio ho an’i Kristy (ny Davidantsika), izay tsy tena malaza amin’izao andro izao. Saingy ny Davidantsika, izay fantatsika fa ho avy amin-kery Izzy, dia hanitsaka ny firenena rehetra eo ambanin’ny Tongony tahaka an’izao Izzy, ary hanapaka azy ireo amin’ny tehim-by iray. Ary tena lehilahy mahery fo, nitsangana niaraka tamin’ny Tenin’Andriamanitra ka nanapatapaka ny lafiny rehetra am-pahasahiana, satria fantatsika fa ho avy amin-kery Izzy.

³⁴ Ndaô isika hamaky ankehitriny, aorian’ny Jaona 3:16; ndao isika hamaky ny famangian’ny—an’ny Magy an’ny Masindahy Matio, ny toko faha-2.

Ankehitriny rehefa teraka Jesosy tao Betlehema an’i Jodia tamin’ny andron’i Heroda mpanjaka, indreo, nisy olon-kendry avy tany—avy tany atsinanana tonga tao Jerosalema,

Nanao hoe, Aiza izy izay teraka ho Mpanjakan’ny Jiosy? fa nahita ny kintana tany atsinanana izahay, ka tonga mba hankohoka aminy.

Rehefa Heroda mpanjaka... nandre an’ireo zavatra ireo, dia nangorohoro izy, ary Jerosalema rehetra niaraka taminy.

Ary rehefa novoriany...ny lohan'ny mpisorona sy ireo mpanora-dalàna tamin'ny vahoaka niaraka, dia nanontany azy ireo izy hoe aiza no tokony ho teraka Kristy.

Dia hoy izy ireo taminy hoe, Ao Betlehema an'i Jodia: fa izao no voasoratry ny mpaminany hoe,

Ary ianao ry Betlehema, ao amin'ny tanin'i Joda, ianao dia tsy kely indrindra amin'ny andrian'i Joda:...avy aminao no hivoahan'ny Mpanapaka iray, izay hanapaka ny Isiraelly oloko.

...Heroda, rehefa niantso an'ireo olon-kendry mangingina izy, dia namototra azy ireo fatratra izay andro nisehoan'ilay kintana.

Dia naniraka azy ireo hankany Betlehema izy, ka nanao hoe, Mandehana ka fotory tsara ny amin'ilay zaza tanora; ary rehefa hitanareo izy, dia itondray teny indray aho, mba ahafahako ho tonga sy hiankohoka aminy ihany koa.

Rehefa izy ireo...nandre an'ilay mpanjaka, dia lasa izy ireo; ary, indro, ilay kintana, izay hitan'izy ireo tany atsinanana, fa nandeha teo alohan'izy ireo, mandrapahatongany sy nitoerany teo ambonin'izay nisy an'ilay zaza tanora.

Ary rehefa nahita ny kintana izy ireo, dia nifaly indrindra tamin'ny fialiana lehibe.

Ary rehefa niditra tao an-trano izy ireo, dia nahita zaza tanora niaraka tamin'i Maria reniny, ka niankohoka, ary nanompo azy: ary...nosokafan'izy ireo ny fitehirizan-drakiny, dia natolotr'izy ireo ho azy ireo fanomezana; volamena,...zava-manitra, ary miora.

Ary rehefa nampitandreman'Andriamanitra tamin'nynofy iray izy ireo hoe izy ireo dia tsy tokony handeha... tsy tokony hiverina any amin'i Heroda izy ireo, dia nandeha tany amin'ny fireneny manokana tamin'ny lalana hafa izy ireo.

³⁵ Tena hafahafa eto hoe ahoana fa Andriamanitra, tamin'ny fomba kelikely kokoa,... Andriamanitra dia tena miteny amin'ny olona amin'ny alàlan'nynofy. Mino an'izany aho. Saingy ahoana fa Andriamanitra ao amin'ity zava-misy ity dia nampiasa ambanimbany iray.

³⁶ Ankehitriny, nynofy iray dia...nofy iray, raha voadika marina izy, dia mitovy amin'ny fahitana iray ihany; rahanofy iray ilay izy ka voadika. Nampiasa an'izany Andriamanitra hatrany aoriana tany ao amin'ny Testamenta Taloha ary namerana an'ireo taona, ka nampanantena ny hampiasa an'izany

indray amin'ny andro farany. Ankehitriny, ny olona dia afaka ny ho voky loatra sy—sy ny sisa ka mahazo nofy ratsy, fa tsy izany—tsy izany no tena nofy, ara-panahy, tsy maneno tsara izany rehefa ianareo—rehefa mamaky azy ianareo. Ary ny sasany amin'izany dia mety ho toy ny marina, kanefa misy ny tena nofy, ara-panahy. Ary fantatsika eto amin'ny tabernakla eto fa Andriamanitra dia manome nofy ny olona ary voadika izy ireo, dia miseho, ary tena misy izy ireo. Fa fomba ambanimbany iray amin'ny fanaovana an'izany ilay izy. Hitanareo?

³⁷ Ankehitriny, ny antony nanaovana azy tamin'izany, dia satria tsy nisy mpaminany teo amin'ilay firenena tamin'io fotoana io, mba handika ny nofy. Hitanareo? Tsy nisy mpaminany mba handika an'ireo nofy, tahaka an'i Josefa sy—sy Daniela ary ireo mpaminany fahiny ireo. Efa tsy nanana mpaminany iray izy ireo nandrity ny efajato taona, ka nampiasa nofy iray Andriamanitra mba...ho an'ny fanaovana Ny Zanany Manokana. Nanao Izy.

³⁸ Niteny tamin'i Josefa Izy, fony izy “lehilahy marina iray, tsy nikasa hanao azy ho ohatra iray ampahibemaso, nanapa-kevitra ny hametraka azy mangingina.” Tsy isalasalana fa niteny taminy an'ilay famangian'i Gabriela sy ny sisa izy, sy izay efa nolazainy; saingy rehefa hitany izy fa ho reny, izany—tena tsy nahazatra loatra izany. Fantatrareo, izany ilay olana amin'izao andro izao. Manao an'ireo zavatra tsy mahazatra Andriamanitra, ary tena tsy mahazatra ilay izy hany ka na dia ny lehilahy marina aza dia tsy afaka mahita an'ilay izy.

³⁹ Tsy nety azon'i Josefa ilay izy, tena tsy nahazatra loatra ilay izy. Lehilahy tsara iray izy, tsy nisy tsy nety teo aminy. Lehilahy tsara iray izy, lehilahy marina iray, saingy tena tsy nahazatra ilay izy. Hitanareo, Josefa angamba efapolo taona na dimy amby efapolo, zavatra tahaka an'izany, izy ireo no milaza, rehefa nifamofo izy sy Maria. Saingy eto isika dia mahita zavatra izay tsy mbola nitranga mihitsy: vehivavy iray izay voafofon'ity lehilahy ity kanefa dia hita fa ho reny! Ary tena tsy nahazatra izany ka nanapa-kevitra ny handroaka azy i Josefa. Fa tao amin'io fotoan-tsarotra io mihitsy, dia naniraka Ny Anjeliny Andriamanitra, ka niseho taminy tao amin'ny nofy iray ary nanao hoe, “Aza matahotra ny haka ho anao an'i Maria vadinao, fa Izay notorotoronina ao anatiny dia avy amin'ny Fanahy Masina.”

⁴⁰ Finoana vao teraka iray toy ny inona no tsy maintsy nananan'i Josefa rehefa nitsangana avy teo izy! Hitanareo, tsy nila fandikana iray mihitsy izy, tsy tao anatin'ny mari-pamantarana ilay nofy. Tena nahitsy avy hatrany ilay izy hoe, “Aza matahotra ny haka an'i Maria vadinao, fa Izay notorotoronina ao anatiny dia avy amin'ny Fanahy Masina.” Tsy nisy mpaminany teo hanome ny fandikana, noho izany dia

tsy maintsy tonga nivantana izany, nahitsy avy hatrany tahaka an'izany; ho an'Andriamanitra...avy tamin'Andriamanitra nankany amin'i Josefa. Ankehitriny...ary naka an'io fomba ambanimbany io Andriamanitra.

⁴¹ Inona no ampianarin'izany antsika mihitsy eto, alohan'ny hikasihantsika ny lahatenintsika? Ity no ampianarin'izany antsika: hoe Andriamanitra dia afaka mampiasa ny fahaizamao rehetra avy amin'ny tenantsika raha izany dia voapetr-...voatolotra Azy. Afaka mampiasa ny saintsika Izy, ireonofintsika, ny amparahatotsika, ny fisainantsika voalohany, ny lelantsika, ireo hirantsika, ireo masontsika, ny... Ny zavatra rehetra izay ananantsika dia azon'Andriamanitra ampiasaina raha voapetraka amin'Andriamanitra izany. Hitanareo? Ny zavatra rehetra maha-izy anareo, dia apetraho amin'Andriamanitra izany. Izy no hampiasa ny fivoahana rehetra sy ny ampahany rehetra aminareo, hampiasa an'izany Izy. Tsy mampaninona na inona ilay izy, hampiasa an'izany Izy raha nohamasinina ho an'ny Tanjony sy ny antsony izany.

⁴² Ankehitriny, izao hariva izao isika dia hiresaka eo amin'ny hoe: *Ireo Fanomezana*. Ary tiako ny hanome lohateny an'ity, raha... Nanoratra aho, nandray naoty zavatra iray tato, rehefa nitsangana Rahalahy Neville hoe: *Ireo Fanomezan'Andriamanitra Dia Mahita Foana...Mahita Ny Toerany Foana Ireo Fanomezan'Andriamanitra*. Lavina foana ireo fanomezan'Andriamanitra, saingy mahita marina tokoa ny toerany izany rehefa...

⁴³ Ankehitriny, diniho ilay fanomezana izay novidian'ireto hendry ireto...na nentina ho Azy. Amin'izao andro izao dia hitantsika fa mifanakalo fanomezana isika. Ny olona rehetra dia tsy maintsy mahazo fanomezana, ary miezaka ny hanombatombana an'izay homen'ilay olona manaraka ho azy, noho izany dia afaka manome azy zavatra iray mitovy betsaka amin'izany izy. Fa raha tsy izany ilay izy, eny, amin'ny Taona Vaovao, dia tsapany fa tsy maintsy hanamboatra an'ilay izy tsara izy. Ary ny tsirairay avy dia mandinika sy manahy ary mandeha eo amin'ny gorodona, ireo mpanapitrisa, hoe ahoana no hilaminan'izy ireo. Manome betsaka ho an'ity anankiray ity sy itsy izy ireo, nefo izany—diso daholo izany rehetra izany. Izany—izany dia—izany dia—izany rehetra izany dia... Krismasy...

⁴⁴ Ity: fanomezana anankiray ihany no azonareo omena, ary izany dia ny tenanareo. Omeo an'Andriamanitra ny tenanareo satria efa nanome anareo Ny Fanomezany Andriamanitra. Ankehitriny, zavatra tokana ihany no tokony averinareo amin'Andriamanitra, izany dia ny tenanareo ho Azy.

⁴⁵ Ankehitriny, ary matetika, *ireo anarana* dia ao amin'ny Baiboly. Tsy mahamarika an'izany intsony isika, amin'izao andro izao. Isika...Efa nandre ahy ianareo mazàna

mamingavinga an'ity anarana ity, ny fiantsoana an'ireo ankizy...na ny olona miantso ny zanany hoe "Ricky." Ankehitriny, *Ricky* dia anarana mahatsiravina iray! Hitanareo? Ary izany dia ny...tsy tokony hiantso azy ireo an'izany ianareo. Raha manana zanaka iray antsoina hoe Ricky ianareo, nohon'ny famindrampo, dia ovay ho zavatra hafa izany. *Ricky*, na—na *Elvis*, na zavatra tahaka an'izany...*Ricky* dia midika hoe "voalavo iray." Hitanareo? Ary noho izany ianareo—mandehana ianareo... Ary—ary izay iantsoanareo olona iray, dia izany no manao fitaomana amin'izany. Ramatoa kely iray, indray andro, dia nanana zazalahy kely iray tany nantsoina hoe "Ricky" ary ny anarany dia Ricky, James Ricky. Ary satria tena nalaza izany (Ricky), dia nantsoin'izy ireo izy hoe "Ricky." Hoy aho hoe, "Ovay io anarana io!"

⁴⁶ Mahamarika olona vitsivitsy aho mipetraka eto mihtisy ankehitriny izay manana zafikely iray, ary ny anarany dia... ilay anankiray—zazalahy kely anankiray dia ankizy tena mora fanahy indrindra, mahafinaritra kely; fa ilay anankiray hafa dia Ricky, ary izany no maha-izy azy. Diniho fotsiny izy, fa ho tahaka an'izany ny natiorany. Ary izy... Nilaza tamin'ny sasany tamin'ireo raibeny aho, na olona iray, hoy aho hoe, "Teneno ilay reny hanova ny anaran'iio zazalahy io, ovay fotsiny io anarana io dia diniho izay mitranga amin'ilay ankizy." Hitanareo, ianareo olona dia tsy te-hino an'izany. Mihevitra isika fa efa ela niainana isika ho an'izany.

⁴⁷ Raha tsy misy zavatra ao anatin'ny anarana iray, amin'izay fotoana izay dia nahoana raha mbola nantsoina hoe *Jakoba* foana i Jakoba, izay midika hoe "mpamingana, mpamitaka," fa izany no naha-izy azy? Saingy rehefa nitolona tamin'ny Tompo izy ny alina manontolo, ka nanova ny anarany ny Tompo, ary saiky... rehefa saiky enimpolo taona izy. Nanova ny anarany Izy avy tamin'ny—avy tamin'ny—avy tamin'ny Jakoba ho *Isiraelly*, "andriana iray eo anatrehan'Andriamanitra," ary izany no naha-izy azy.

Nahoana i Abrama no nantsoina...no tsy maintsy nantsoina hoe "Abrahama" talohan'ny nahafahan'ilay zaza ho teraka? Nahoana i Saray no nantsoina hoe "Saraha" talohan'ny nahafahan'ilay zaza ho teraka?

Nahoana i Paoly...na antsoina...ny anarany dia Saoly, saingy rehefa nifanena tamin'i Jesosy izy, dia Izy no nanova azy avy tamin'ny Saoly ho "Paoly."

Rehefa novaina i Simona avy tamin'ny Simona ho *Petera*, izay midika hoe "vato kely." Ary—ary novaina ireo anaran'izy rehetra, satria izay iantsoana anareo dia misy zavatra iray mikasika an'izany. Rehefa miteny zavatra iray ianareo, dia manondro ny tenany izany. Tsy te-hiditra ao amin'izany aho, satria ho tonga amin'ny Alahady heriny hariva izany, hitanareo,

fanondroana ny teny iray. Ary, fa ankehitriny, dia hitantsika fa tena marina ireo zavatra ireo.

⁴⁸ Diniho ankehitriny, Andriamanitra... Zavatra hafahafa iray toy ny inona izany izao hariva izao, ny mahita fa ireo lehilahy ireo, ireo Magy, lehilahy nianatra, lehilahy malaza... izay tonga avy tany Atsinanana, Babylona izany, izay Inde. Ary tsy tonga tao anatin'ny alina manontolo iray mihitsy izy ireo, ka nanomboka tamin'ny alina anankiray ary tonga teo tamin'ny manaraka, teo amin'ny roa taona teo izy ireo vao tonga teo. Tsy tonga teo amin'ny Zaza kely iray tao anaty fihinanam-bilona izy ireo. Tonga teo amin'ny Ankizy tanora iray izy ireo, Ankizy tanora iray. Ary Heroda efa namono an'ireo ankizy latsaky ny roa taona. Hitanareo, mba ahafantarana fa tsy zaza kely iray no nandry tao anatin'ny fandrian-jaza iray, ho namono an'ireo zaza rehetra izy. Fa namono an'ireo ankizy tanora izy, mba hananany antoka fa hahazo Azy, na taiza na taiza ireo latsaky ny roa taona. Nametraka an'ilay fotoana izy satria fantany fa tsy te-hamono be loatra izy, izy rehetra ireo, izy fotsiny... satria andevo ny ankamaroan'izy ireo ho azy. Tiani ny hahazo... hanana antoka fa hahazo Azy, noho izany dia hoy izy hoe, "Ilay Ankizy dia ho efa saiky roa taona. Noho izany, ny zavatra rehetra manomboka amin'ny roa taona no midina, dia vonoy izany." Hitanareo?

Ary izany no nahatanteraka an'izay nolazain'ny mpaminany, hoe "Ao—ao Rama dia nandrenesana ny—ny fikiakiahana na antsoantso, tomany iray; hoe mitomany ny zanany i Rahely, fa tsy eo intsony izy ireo."

⁴⁹ Ankehitriny, efa voamarikareo ve fa ireto olon-kendry ireto, lehilahy malaza, dia tany Babylona ary nahita Ny Kintany izy ireo, hoy isika hoe, "Nahita Ny Kintany tany atsinanana izahay ka tonga mba hanompo Azy." Avy tany atsinanana izy ireo, izay nahitan'izy ireo an'ilay Kintana, nandeha nankany andrefana. Satria Inde dia andrefana, avaratra andrefan'i Bab... an'i— an'i Palestina. Ary nandeha avy hatrany niampita ny Renirano Tigrisy izy ireo ary nitety an'ireo lemaka avy hatrany, nidina tao Betlehema izay nahitan'izy ireo an'ilay—ilay—ilay Zazakely. Ary tsarovy fa tsy niala tao mihitsy i Josefa sy izy ireo; nandeha avy hatrany nankany Nazareta izy ireo ary nitaiza an'ilay Ankizy, tany mihitsy.

⁵⁰ Ankehitriny, mahita isika eto fa izy ireo dia nanolotra... Ireto lehilahy ireto, satria mpandinika habakabaka sy nianatra an'ireo kintana, ka nahita an'ireo hazavana mahagaga avy any an-danitra ireo niseho tany, hoe nisy zavatra niseho; fa fantatr'izy ireo fa izany no Mesia, ilay—ilay Mpanapaka ny lanitra sy ny tany, izay tsy maintsy teraka. Ary tonga izy ireo, nahafantatra fa ny Maha-Andriamanitra dia ho voafono, hipetraka ao anatin'ny—ny olombelona iray; satria mba hanehoana aminareo ny filazan'izy ireo... Fantatrareo, fantatrareo, ny fiainanareo no miteny mafy kokoa nohon'ny

teninareo, hany ka tsy mampaninona izay lazainareo, ny olona dia mahafantatra fa ianareo dia avy amin'ny—avy amin'izay maha-izy anareo.

⁵¹ Ary diniho ireto olona ireto, ireto Magy ireto, izy ireo dia nitondra ho Azy... Diniho fa ireo fanomezana izay nentin'izy ireo ho Azy, dia nanondro an'izay niheveran'izy ireo izay naха-izy Azy. Izy ireo dia nitondra ho Azy volamena, zava-manitra, ary miora. Dia diniho ankehitriny hoe inona ireo mari-pamantarana ireo, izay tiako ho resahana aminareo ankehitriny... ny dikan'ireo mari-pamantarana ireo. Ankehitriny, manana Soratra sasantsasany aho voasoratra eto izay ho vakantsika afaka fotoana fohy, raha sitraky ny Tompo.

Ankehitriny: ny volamena, sy zava-manitra, ary miora.

⁵² Ankehitriny: ny volamena ao amin'ny Baiboly... mety tsara toy ny ahoana amin'i Kristy izany, satria ny volamena dia miresaka ny amin'ny maha-Andriamanitra. *Ny volamena* dia “Maha-Andriamanitra.” Ho tonga eo amin'izany isika afaka fotoana fohy. *Ny zava-manitra* dia miresaka ny amin'ny “asa.” Ary *ny miora* dia “fahafatesana.” *Andriamanitra, Maha-Andriamanitra, ao amin'ny asa mba ho faty.* Ary izany no naха-izy Azy. Ilay tena zavatra mihitsy izay nentin'izy ireo no nanondro an'izay niheveran'izy ireo izay naха-izy Azy.

⁵³ Ary milaza an'izao amintsika aho androany hoe, “Ireo zavatra izay entintsika eo Aminy no manondro hoe inona ireo eritreritsika mikasika Azy.” Azonareo ve izay tiako ho lazaina? Hitanareo? Raha ianareo no... Raha mino an'Izany amin'ny fonareo rehetra ianareo, ny Teny rehetra an'ity, dia hanondro an'izany amin'ny alàlan'ny fanomezana an'izay rehetra anananareo ho an'Izany ianareo. Hitanareo? Saingy raha mino ianareo fa toerana tsara iray ikambanana miaraka amin'ny olona tsaratsara kokoa izany, manodidina ny fiangonana sy ireo zavatra tahaka an'izany, dia saiky izany fotsiny no atolotrareo (ora sosialy vitsy fotsiny miaraka amin'ilay fiangonana na tahaka an'izany). Fa raha ianareo—fa raha tena mino marina tokoa an'Izany amin'ny fonareo rehetra ianareo, amin'izay fotoana izay dia manome ny zavatra rehetra izay ao anatinareo ho an'Izany ianareo. Hitanareo? Ary izany no manondro anareo, hoe mino marina tokoa ny Hafatra ianareo, hoe mino an'izany ho ny Fahamarinana ianareo.

⁵⁴ Marobe ny olona manao hoe, “Afaka mino hatreto amin'ity aho. Afaka mino an'izao aho.” Ireo mpianatra... Mino aho fa tamin'ny fotoana farany teto, dia niresaka teo amin'izany aho: *Mpino, Mody-Mpino, Ary Tsi-mpino.* Tsy izany ve ilay izy? Izaho... tsy niresaka teo amin'izany ve aho teto? Hitanareo? Ary ny olona tsirairay, diniho ny karazan'izy ireo. Hitanareo, izany dia ho tonga eo amin'ny toerana iray izay ahafahan'izy ireo maka betsaka an'izany, fa tsy afaka maka ny sisa.

⁵⁵ Ankehitriny, ahoana fa nety tsara tamin'ny dian'i Kristy teto an-tany ireo fanomezana ireo, Zazakely iray teraka teto an-tany teto. Ary ireo fanomezana izay nentin'ireo olon-kendry ho Azy ireo, dia nety marina tokoa tamin'ny Fanirahany avy tamin'Andriamanitra sy ny Diany teto an-tany.

⁵⁶ Ankehitriny, ny zavatra voalohany: Andriamanitra. Andriamanitra io, Jesosy dia Andriamanitra tao amin'ny endrik'olona. Sarotra ho an'ny olona ny mitelina an'izany, na dia amin'izao andro izao aza, hoe "Andriamanitra Izy." Ary Izy... Izany no naaha-izy Azy. Tsy misy afa-tsy Andriamanitra Izy. Izy no Andriamanitra voaseho tao amin'ny nofo. Izy no Mpamorona tao amin'ny Famoronany Manokana. Ankehitriny izany... Izy no Mpamorona tao amin'ny Famoronany, tamin'ny alàlan'ny famoronana, ho an'ny famoronana. Izy no Mpamorona tao amin'ny Famoronany, tamin'ny alàlan'ny Famoronany, ho an'ny Famoronany. Ny rehetra dia miverina ao amin'Andriamanitra mihitsy, ny zavatra manontolo. Tsy hitanareo ve? Ny fahafenoan'Andriamanitra! Izy no Mpamorona satria dia Izy no Andriamanitra. Ary Izy dia Vatana iray teto an-tany (Vatana iray an'ny fotoana), izay midika fa tsy maintsy nanana fiandohana iray Izy, noho izany dia namorona vatana iray ho an'ny Tenany Izy mba hipetrahana. Andriamanitra, Izy tenany, no namorona vatana iray ho an'ny Tenany. Hitanareo? Mba amin'ny alàlan'ilay famoronana, no Ahafahany mamonjy an'ilay famoronana very izay efa Noforoniny.

⁵⁷ Tsy misy na inona na inona azon'ny olona haringana, tsy misy zavatra anankiray. Tsy afaka manao na inona na inona ianareo handravana tanteraka zavatra iray. Afaka maka singataratasy iray ianareo ka mandoro an'izany, afaka mandoro tranobe iray ianareo, afaka mandoro hazo iray ianareo; fa tsy afaka mandringana an'izany ianareo. Ianareo... io hafanana ao anatin'y ao io, io afó izay mirefodrefotra io, ireo akora simika fotsiny no mipoapoaka. Miverina any amin'izay nisy azy ireo tany amin'ny fiandohana izy ireo. Tsy ringana izy ireo. Raha mandoro singan-kazo iray ianareo (ary izao vontolo izao, no milaza, fa raha niaina tao amin'ny Mandrakizay tahaka an'Andriamanitra isika, ary io akora simika avy tao amin'io hazo io sy io afó io no niverina indray tany amin'ny fiandohany tany am-boaloahany sy ny...na inona na inona nisy azy, ny firefodrefotra'ireo atoma sy ny sisa, izao—izao vontolo izao, no milaza, fa haharitra mandrity ny an-tapitrisany taona), izany dia afaka hiverina avy hatrany indray ary ho lasa hazo hafa iray, mitovy marina tokoa tamin'izay naaha-izy azy.

⁵⁸ Tsy afaka mandringana na inona na inona ianareo satria izany dia Teny Voambaran'Andriamanitra iray. Amena! Oh, ary manao ahy hahatsapa ho mpivavaka izany, ankehitriny. Hitanareo? Izay lazain'Andriamanitra, dia maharitra mandrakizay Izany. Amena! Hitanareo, tsy afaka

mandringana ianareo. Ampahan’ity tany ity isika, ary tsy afaka ny ho ringana tanteraka isika. Tsia, tompoko. Ny fahotana (ilay fanahy) dia ho ringana, mahalala an’izany isika. Fa ilay—ilay vatana izay ipetrahantsika, dia tsy mety ho ringana. Hitanareo?

⁵⁹ Ankehitriny, noho izany, dia namorona vatana iray ho an’ny Tenany Andriamanitra. Izzy no Mpamorona, ary namorona ny Famoronany Manokana, mba amin’ny alàlan’ilay Famoronana no Ahafahany mamonjy an’ireo izay very tao amin’ny Famoronany (izany dia izaho sy ianareo, ireo famorongan’ny fotoana).

⁶⁰ Ny—Ny Teniny dia naneho marina tokoa fa... Izzy sy ireo Asany dia nanaporofa fa tsy nisy afa-tsy Mpamorona Izzy. Naka singa-mofo iray Izzy ary namaky an’izany, dia nanohy namaky an’io singa-mofo anankiray io, ka namahana olona dimy arivo avy tamin’izany; ary nahangona sobika fito feno an’ireo singany izay tavela, ary ny olona rehetra teo dia nahazo ny—ny—ny havokisana tanteraka avy tamin’ny mofo.

⁶¹ Naka trondro iray Izzy ary nanapaka an’io trondro io. Ankehitriny raha mahalala isika fa Izzy no namorona an’io trondro io tany amin’ny voalohany. Izzy no namorona an’io mofo io tany amin’ny voalohany. Fa Nalainy io trondro io ary notapahany io trondro io. Trondro velona iray no nisy, ary avy eo dia nampangotrahana na—na nendasina; ary isaky ny Notapahany izany, na inona na inona ilay izy (nampangotrahana na nendasina), dia namoaka indray izany (tamin’ilay minitra iray ihany izay Nanapahany azy) trondro hafa iray nampangotrahana na nendasina. Tsy mahafinaritra ve izany? Izany no naneho fa tsy nisy afa-tsy Jehovah Izzy. Ary noho izany dia Izzy no Mpamorona izay afaka naka ny Famoronany Manokana, ary tamin’ny alàlan’ny Famoronany, dia maneho hoe Iza Izzy. Haleloia! Izany no nanaporofa fa Izzy dia izay naha-izy Azy. Izzy no Maha-Andriamanitra. Noho izany, dia nety Taminy ny volamena, tao amin’ilay fanomezana tamin’ny Fahaterahany. Izzy no Maha-Andriamanitra tonga nofo.

⁶² Afaka manatsofoka zava... Tsy misy vahiny eto anivontsika izao hariva izao, heveriko, noho izany... ato amin’ity fivoriam-bavaka ity. Fa mamele ahy hilaza zavatra iray. Tsy Jesosy ve, rehefa teto Izzy,...? Ankehitriny, ho an’ny fieritreretana ity, fa tsy ho an’ny... angamba... fanadihadiana raha ny marina. Mariho, ho an’ny fieritreretana fotsiny, Jesosy no nilaza, ao amin’ny Masindahy Jaona 14:12 hoe, “Izay mino Ahy, ireo asa izay Ataoko no hataony koa ary lehibe noho izany aza no hataony, satria mankany amin’Ny Raiko Aho.” Efa voamarikareo ve izany? Mariho, ankehitriny, izany no Zanak’Andriamanitra mampanantena amin’ny mpino, hoe zavatra lehibe noho izay Nataony, (amin’ireto andro farany ireto) hoe zavatra lehibe noho izay Nataony no hataon’ny mpino.

Masindahy Jaona, ny toko faha-14, ny andininy faha-12. Marina ve izany? Mino ve ianareeo fa nilaza an'izany Jesosy?

⁶³ Mariho, rehefa namorona mofo Jesosy; naka singa-mofo iray Izy, ary namorona mofo izay efa mofo. Rehefa namorona trondro Izy; naka trondro iray Izy izay efa noforonina ho trondro iray aloha, ary namoaka trondro hafa iray avy tamin'izany. Marina ve izany? Naka rano Izy, izay efa ho lasa divay tamin'ny ampahany, ary nanao divay avy tamin'izany. Marina ve izany? Fa efa nahita Azy teo afovoantsika isika, amin'ity andro farany ity, namorona an'ireo zavatra teo no ho eo, tsy nisy na inona na inona nitsangana teo! Marina ve izany? Mamorona vontsira iray teo amin'izay tsy misy vontsira. Marina! Oh, Izy dia . . . mijanona ho Andriamanitra. Izy no Maha-Andriamanitra foana mihitsy androany tahaka ny naha-izy Azy tamin'izany fotoana izany sy hatramin'izay, na ho hatrany foana. Mbola Andriamanitra foana Izy, ary mihaika an'ireo fo hino an'izany hoe, "Zavatra lehibe noho izany, ianareo . . . tsy misy na inona na inona ho tazonina na ho vakiana. Teneno ilay izy, dia ho tanteraka izany."

⁶⁴ Mariho ankehitriny, hitantsika fa Ny . . . Izy dia nanondro. Ireo asa izay Nanondroany fa Izy no Maha-Andriamanitra, no naneho fa Izy izany. Satria hoy Izy hoe, "Raha tsy manao an'ireo asan'Ny Raiko Aho, amin'izay fotoana izay dia aza mino Ahy."

⁶⁵ Ary tsy afaka hilaza ve ny Kristiana androany hoe, "Raha tsy manao an'ireo asan'ny Mpamonjiko aho, dia aza mino ahy"? Hitanareo?

⁶⁶ "Tahaka ny nanirahan'ny Ray Ahy, dia toy izany koa no Anirahako anareo." Ary raha nanao an'ireo asa ianareo, ireo asam-pamoronan'ny Ray izay naniraka Azy, amin'izay fotoana izay dia famoronana iray izany . . . Ilay Kristy (ilay Mpamorona) izay maniraka antsika, no manao an'ireo asan'i Kristy ilay Mpamorona. Hitanareo? "Tahaka ny nanirahan'ny Ray Ahy, dia toy izany koa no Anirahako anareo. Ary raha tsy manao an'ireo asan'Ny Raiko aho, dia aza mino ahy."

⁶⁷ Noho izany ny Kristiana androany dia tokony hanao an'ilay Fiainana izay nataon'i Kristy raha tsy izany dia manana zò isika hilaza hoe, "Tsy izany ilay izy."

⁶⁸ Mariho ankehitriny, ireo Asany no namorona Azy . . . na nanondro Azy ho ilay Mpamorona. Ireo Asany izay Nataony no nisalotra ny fanambaran'ny Fiainany, hoe Izy no ilay "Mpamorona"; tsy misy fomba ialana amin'izany. Noho izany, rehefa nanolotra an'ilay fanomezana volamena izy ireo, dia tao amin'ny firindrana tanteraka tokoa tamin'Andriamanitra izy ireo tamin'ireo fanomezany. Nanome Azy volamena izy ireo, izay nanondro Azy ho Maha-Andriamanitra. Satroboninahitra iray foana, ilay satroboninahitra volamena . . . ilay loha volamena, an'i Nebokadnezara Mpanjaka. Ny rehetra, hitanareo, izany . . .

ny Maha-Andriamanitra dia voaseho foana amin'ny alàlan'ny volamena.

⁶⁹ Ankehitriny: *ny zava-manitra*. Tiantsika ny hiditra amin'ireo haingana. *Ny zava-manitra* dia ny “fanatitry ny asa ho an'i Jehovah.” Ankehitriny, raha tianareo ny handray naoty an'ireto Soratra ireto, Levitikosy 2:2, sy Levitikosy 16:6 hatramin'ny 15. Hitantsika fa izany no didim-pisoronana, mba hanaovana fanatitra iray ho an'i Jehovah. Rehefa nanao an'ilay fanatitra izy, dia tsy maintsy vita sy nafangaro tamin'ny zava-manitra izany ho fanatitra ho an'ny fahotana iray, naka zavatra samihafa izy ireo ary nanafangaro an'izany. Ho an'ny koba fanatitra, ho an'ny fanatitra ahevaheva, dia nampiana zava-manitra. Satria, nankasitrahan'i Jehovah izany raha voahosotra *zava-manitra*, izay midika fa izany dia “asa ho an'i Jehovah, Andriamanitra.” Ary, ankehitriny, hitantsika fa Izy no Maha-Andriamanitra. Ary nitondra zava-manitra ho Azy izy ireo, izay tandindona iray fa asa iray ho an'i Jehovah Izy. Jesosy no Mpanompon'i Jehovah.

⁷⁰ Ankehitriny, ao amin'ny Masindahy Matio 12:15 hatramin'ny 21, dia hitantsika fa Izy no Mpanompon'i Jehovah, “Indro ny Mpanompoko, Izay Sitrako indrindra” (ary izany Izy) “ary Apetrako eo Aminy ny Heriko.” Noho izany dia voahosotra zava-manitra ny Fiainany, ho an'ny asan'i Jehovah. Fanomezana iray toy ny inona no nomen'ireto olon-kendry ireto! Hitanareo, izany dia zavatra iray mba...ilay—ilay fanomezana izay nomen'izy ireo, dia zavatra iray mba hanondroana an'i Jesosy ho Mpanompon'i Jehovah.

⁷¹ Ankehitriny raha afaka hanao an'izany fotsiny mantsy isika, mba hanondro ny fiainantsika. Hitanareo, ny fiainantsika mba ho voatondro ho mpanompon'i Jehovah. Ho an'izany ny zava-manitra, izay nanao Azy ho Mpanompon'i Jehovah.

⁷² Ankehitriny, *ny miora*, m-i-o-r-a, dia “hosotra ho an'ny fahafatesana.” Mahita isika ao amin'ny Masindahy Jaona, ny toko faha-19, ny andinin faha-39, fa izany dia ho an'ny—ny fotoam-pandevenana an'i Jesosy, rehefa nandeha i Maria sy izy ireo, dia nitondra an'io miora io izy ireo mba hanosorana Azy; satria tsy maintsy Izy no ho Mpanompon'ny fahafatesana ho an'i Jehovah. Hitanareo? Nisy olona iray tsy maintsy ho faty. Izany dia asa iray izay tsy maintsy vita ho an'Andriamanitra, ary tsy nisy olona mendrika ny hanao an'izany raha tsy Andriamanitra Izy tenany. Noho izany, nitondra an'ilay miora—miora, naneho an'izany niaraka tamin'ny Maha-Andriamanitra, ary niaraka tamin'ilay asa, fa Izy dia voahosotra miora ihany koa; hoe io Maha-Andriamanitra io dia tsy maintsy ho vonoina ho faty mba hamonjy an'ilay anankiray tsy tanteraka. Oh, zavatra lehibe iray toy ny inona!

⁷³ Very ilay famoronana manontolo. Vao avy nandalovantsika izany tao amin'ireo Tombokase Fito. Hitanareo, very ilay

famoronana manontolo, vita ny zavatra rehetra. An'i Satana daholo izany. Izy no lasa mpandova azy ary mbola azy foana izany. Azy tokoa izany. Izany no antony iadiantsika sy ananantsika an'io olana rehetra io. Izy no mifehy ny fanjakana rehetra; Satana no mifehy. Ny governemanta rehetra, ny mpanjaka rehetra, ny fanjakana rehetra, dia fehezin'i Satana. Izao tontolo rehetra izao dia voafehy sy entin'i Satana. Izany no antony ananantsika an'ireo olana izay ananantsika ireo. Ny mpianatra Baiboly rehetra, na inona, dia afaka miteny aminareo fa Satana... Eny, ny Baiboly Izy tenany no milaza fa izy no nanao, hitanareo, fa izy no mifehy an'izao tontolo izao. Fa Kristy no ho lasa Mpandova an'izany, satria ankehitriny dia Izy no Mpanavotra antsika. Ary tonga Izy mba hanavotra an'ilay famoronana manontolo, ary tsy misy na inona na inona afaka hanao an'izany afa-tsy Andriamanitra Izy tenany.

⁷⁴ Izany no antony tsy anaovan'Andriamanitra na inona na inona afa-tsy amin'ny alàlan'ny olona iray. Miasa amin'ny alàlan'ny olona iray foana Izy satria tsy maintsy nampiasa olona iray Izy. Olona iray no tsy maintsy Nampiasainy mba haneho ny Toetrany maha-Mpamonjy. Tsy maintsy nanao azy araka ny Endriny Izy, nanao azy ho zavatra iray tahaka Azy, ary nametraka azy tao amin'ny safidy malalaka ka namela azy hihetsika amin'ny fomba rehetra izay tiandy. Afaka nanao ny safidiny izy. Ary Fantany fa io olona io, tamin'ny fanomezana azy an'io safidy io, dia ho lavo. Koa satria tsy maintsy nanao an'izany Izy, dia mitodika Izy ka manao an'ilay olona ho mpiaramiasa Aminy, ary tsy manao na inona na inona raha tsy manao an'ilay izy amin'ny alàlan'ny olona iray Izy!

⁷⁵ Ny asam-panavotana manontolo dia tonga amin'ny alàlan'ny olona iray! Haleloia! Ny fahafatesana dia tonga tamin'ny alàlan'ilay olona voalohany, ny Fiainana dia tonga tamin'ny alàlan'ilay Adama faharoa. Hitanareo? Eo ianareo izao, tsy manao na inona na inona Izy satria tsy maintsy nampiasa olona iray Izy ho an'izany, avy eo dia mampiasa olona iray Izy mba hanavotra indray. Noho izany dia lasa Jehovah ny Maha-Andriamanitra, na, Jehovah no la-... Izy no Maha-Andriamanitra, ary Izy dia lasa ny-Zaza iray. Lasa endriky ny fahotana Izy, mba Ahafahany manavotra an'ilay mpanota. Hitanareo, io ilay zavatra manontolo.

⁷⁶ Ankehitriny, jereo hoe inona...tsara tarehy toy ny ahoana no mampety an'ireo fanomezana ireo amin'i Jesosy Kristy; hitanareo, ny volamena, miresaka ny amin'ny Maha-Andriamanitra Azy. Ankehitriny, tsy mpanompo sampy izy ireo. Voatsindrimandrin'Andriamanitra izy ireo. Tsy nisaintsaina zavatra iray izy ireo. Izany no manaporofa teo no eo, na dia ny Magy aza, fa nahita an'ilay Ivelan'ny voajanahary izy ireo. Satria ny fanomezany manokana, izay natolotr'izy ireo, no nanondro sy miteny tsara ny amin'ny fanambaran'izy ireo hoe nahita an'ilay

Hazavana Ivelan'ny voajanahary izy ireo. Satria nahoana? Miteny tanteraka izany. Izy ireo dia nitondra *volamena*, "Maha-Andriamanitra." Izy ireo dia nitondra *zava-manitra*, "asa." Ary izy ireo dia nitondra *miora*, ho an'Ny "fahafatesany," fony Izy mbola Zazakely iray, amena, maneho fa ho vonoina ho faty ao amin'ny nofo ilay Maha-Andriamanitra, amena, mba ahafahany manavotra ny olona lavo. Ahoana no ahafahan'ny olona manda an'izany?

⁷⁷ Rehefa mahalala ianareo hoe: Inona no ataontsika eto? Avy taiza isika? Na asa inona no ataontsika eto? Tsy vintana no nametrahana antsika eto, napetraka eto isika ho an'ny tanjona iray ary tsy maintsy manompo an'izany tanjona izany isika. Saingy mbola eo amin'ilay fototry ny safidy malalaka foana isika izay ahafahantsika manompo an'Izany na manda an'Izany, tahaka ny nataon'i Adama tany am-boalo hany mihotsy.

⁷⁸ Mijery aho, an'ireto zazavavy kely eto ireto, Rahalahy... Iza moa...? Mino aho fa ilay ramatoa kely nitendry ny piano ilay izy, ary izaho—nandre azy ireo aho raha nihira izy ireo. Niresaka ny amin'izy ireo izahay, teny amin'ny lèlana teto. Misy fianakaviana kely iray izay nanolotra ny fiainany manontolo sy ny sisa ho an'i Kristy. Jereo io fianakaviana io, milamina toy ny ahoana izany. Jereo ireo zazavavy kely. Nitsangana teto izy ireo, ilay—ilay ohatry ny maha-vehivavy tanora, ny adolantsento. Ary tsy mamparinonona...

⁷⁹ Herinandro vitsy lasa izay no nandehanako tany toy ny... tsy fantatro hoe iza no anaran'ilay toerana izay tany, any New York ankehitriny, izay ananan'izy ireo fotsiny an'ireo vondron-tanàna an'ireo beatniks. Ankehitriny, ireo zazavavy tany ireo nanao—nanao akanjo manara-batana sy—sy tsy misy afa-tsy ny iray amin'ireo bikini ratsy ireo, araky ny iantsoan'izy ireo azy, teo an-tampon'izany. Ary, oh, izao fotsiny ilay lèlalama... Manao ny zavatra rehetra izay ao an-tsainy izy ireo, tsy mamparinonona na inona na inona ilay izy, izany no antony—antony maha-beatnik azy ireo. Afaka manao ny zavatra rehetra fotsiny izy ireo. Raha te-handry izy ireo, ka tsy mitsangana, dia mandry eo fotsiny izy ireo ary tsy mitsangana. Raha te-handeha izy ireo, manao zavatra iray, dia ataony izany; raha tsy te-hanao izy ireo, dia tsy manao. Izao fotsiny, ny sain'izy ireo dia ny mandeha fotsiny! Ary tonga aiza ilay saina tsy miova fo? Tsy manana zò hanao an'izany ianareo, satria tsy ianareo manokana ianareo; novidian'ny Maha-Andriamanitra ianareo, Jesosy Kristy, ilay Zanak'Andriamanitra izay tonga nofo. Fa, hitanareo, ilay lèlal-malalaky ny fahotana!

⁸⁰ Ary raha mahita an'ireo zazavavy kely, tanora tahaka an'izany ianareo mitsangana eo; nahoana, ho ahy, dia izany no hazavana ao amin'ny fotoan'ny aizina. Hazavana iray misampsampa izany, an'ny karavasin'Andriamanitra

mifelipelika, eny amin'ny lanitra mba haneho fa mety misy Hazavana! Mety misy fahamarinana eo afovoan'ny fahotana!

⁸¹ Maria, ilay renin'i Jesosy, tao an-tanànan'i Nazareta, ilay tanàna ratsy fanahy indrindra izay nisy tao amin'ny firenena, saingy avy tao no nifidianan'Andriamanitra ramatoa kely iray hiteraka Ny Zanany; fikotrehana iray, kibo iray izay tsy maintsy... Zazakely iray izay tsy maintsy haterany. Naka olona iray tahaka an'io Izy hanaovana an'izany. Miasa amin'ny alàlan'ny olombelona Andriamanitra mba hanavotra ny olombelona. Afaka maka anareo Izy, miasa amin'ny alàlanareo mba hanavotra ny taranak'olombelona, raha hanokana tanteraka ny zavatra rehetra izay maha-izy anareo ianareo.

⁸² Raha vehivavy tanora iray ianareo, dia atokany ny fitondran-tenanareo. Raha lehilahy tanora iray ianareo, dia atokany ny fitondran-tenanareo, atokany ny fisainanareo, atokany ny eritreritraiseo, atokany ny fonareo, atokany ny fanahinareo, atokany ny maha-izy anareo rehetra! Ary avelao Kristy hiasa amin'ny alàlan'izany. Zavatra iray be voninahitra toy ny inona! Manana renirano hiampitana ianareo, ianareo manana an'ireo—ireo tetezana hiampitana, ianareo manana an'ireo—manana an'ireo lèlana feno tsilo ianareo, manana an'ireo lobolobo ianareo, manana an'ireo ala ianareo, manana an'ireo toerana maizina ianareo, manana an'ireo havoana avo ianareo, manana an'ireo fiakarana avo ianareo. Inona no hataonareo? Indray andro any dia tsy maintsy hitsangana ianareo ka hijery any aoriana, hahita hoe avy taiza ianareo, ary hotsaraina amin'ny alàlan'ny lèlana noraisinareo. Apetraho ny—ny anareo rehetra, ny fisainanareo sy ny eritreritraiseo, eo amin'ilay Kintana Avaratra (ilay ivon'Andriamanitra) ka aza mihetsika miala eo amin'Izany. Mijanòna tsara eo miaraka amin'Izany. Izany no hitondra anareo mahitsy tahaka ny Nataony tamin'ny Magy, nahitsy avy hatrany teo amin'i Kristy.

⁸³ Eny àry, nanosotra Azy tamin'ny miora. Mahita isika ankehitriny, ao amin'ny Jaona 12:1 sy 7, fa izany marina tokoa no Nataony. Izy no Mpanompon'Andriamanitra tanteraka, ary nanao Azy ho voahosotra tamin'ny Fanomezany Masina rehetra. Voahosotra tamin'ny fanomezan'Andriamanitra rehetra Izy satria Andriamanitra Izy. Andriamanitra Izy. Hitanareo, *izy ireo* dia nitondra fanomezana ho Azy.

⁸⁴ Ankehitriny, isika dia... Maniry aho... Ny olona eto isan'andro, ny ankamaroan'izy ireo, fantatrareo, dia mandefa zavatra ho anareo. Ankehitriny, rehefa tonga eo amin'ilay fandefasana valiny ilay izy, dia tsy afaka manao an'izany aho. Hitanareo? Ilay izao tontolo rehetra izao mivadika izany. Tsy afaka manao an'ilay izy fotsiny aho. Ary izaho dia mankasitraka kely... an'ireo zavatra kely, sy ireo zavatra izay ataon'ny olona hanehoana ny tenany sy ny fankasitrahany sy ny sisa.

⁸⁵ Ankehitriny, izany no nataon'ireto lehilahy manan-karena ireto. Magy ireto lehilahy ireto, nividy volamena izy ireo, volamena madio. Nitondra zava-manitra izy ireo, ny tsara indrindra izay hitany. Nitondra miora izy ireo, ny tsara indrindra izay hitany.

⁸⁶ Mahalala isika eto, ao amin'ny Masindahy Jaona 12, mahita isika fa ity vehivavy ity...raha nanana fotoana hamakiana an'izany isika, saingy tsy te-hihazona anareo ela loatra aho, hitanareo, satria fantattro fa Alatsinainy rahampitso, ary ianareo...tsy maintsy hiasa ny sasany aminareo. Jereo, nividy izy ireo...Ity—ity vehivavy ity dia nitondra an'io miora io, ilay zavatra fanosorana lafo vidy, mba hanala ny fofon'ny fahafatesana. Ary novakiany io boatin'alabastara io ka nararany teo amin'ny lohan'i Jesosy izany. Dia hoy Jodasy hoe, "Nahoana, tokony ho nomena ny malahelo io." (Voalaza hoe, "Tsy hoe nanaja ny malahelo izy, fa mpangalatra iray izy eo ampanombohana, izy no mitahiry ny vola.") Ary hoy izy, "Tokony ho namidy io, raha tokony ho nametraka azy..."

⁸⁷ Dia hoy Jesosy hoe, "Avelao izy hipetraka tsara! Fa nanao an'izao izy..." Nanosotra Azy izy, ho an'ny Fandevenany. Hitanareo? Ity vehivavy ity, tena nankasitraka fa voavela ny fahotany hany ka nolaniany ny volany rehetra izay nananany, ary naka boatin'alabastara iray izy ary novakiany izany ka nararany ilay menaka ary nanamanitra fotsiny an'ilay efitra niaraka tamin'ny fofo-manitr'io miora io, izay nanosorany Azy ho an'ny Fahafatesany. Ankehitriny, hitanareo, nanao an'ilay asa izy tsy nahafantatra an'izay nataony, saingy tena nankasitraka an'Andriamanitra izy.

⁸⁸ Ary raha tena mankasitraka ianareo ho an'ny Krismasy, izany dia tsy ny manao hoe, "Izaho—manome fanomezana iray ho an'ireo Joneses aho; dia hamerina anankiray ho ahy izy ireo, ho hitako izay azoko amin'ny maraina." Nahoana no tsy ny fonareo no sokafanareo dia jereo izay ao anatin'yo, jereo izay misy ato anatin'yo. Ary ekeo...raha hitantsika fa foana izany, miaraka amin'ireo fanekem-pinoana negatifa fotsiny sy—sy—sy ireo fanahian'izao tontolo izao, dia nahoana no tsy mangataka an'i Kristy mba hameno azy izao hariva izao? Izao hariva izao, mba ahafahanareo mahazo an'ilay tena dikan'ny Krismasy. Izany—izany dia Kristy ao anatinareo; Andriamanitra, monina ao anatin'ny fon'olombelona. Izany no tena dikan'ny Krismasy.

⁸⁹ Fa, hitanareo, amin'izao andro izao dia lasa tena negatifa isika. Ny devoly no mampiditra antsika ao, (misy an'ireo tahom-batomamy miloko, sy ny—sy ny biby dia iray ary ny—ary lehilahy be volombava iray, ka manidina eran'ny habakabaka tahaka ny fiaramanidina iray, ary mamangy an'izao tontolo rehetra izao sy ny tokantrano rehetra miaraka amin'ny fonosan-kilalao kely eo amin'ny lamosiny, ary mamangy ny ankizy rehetra) fa izany—lainga iray fotsiny izany! Izany fotsiny dia, tena marina,

fa lainga iray. Hitanareo? Ankehitriny, hitanareo? Fa nahoana? Ny devoly no nanao an'izany mba ahafahany manodina ny fisainan'ny olona.

⁹⁰ Miditra ao anatin'izany ny tontolo ara-barotra ka izy ireo... Nahoana, manao betsaka izy ireo mandritry ny fotoan'ny Krismasy hany ka afaka mijanona izy ireo amin'ny sisa amin'ny taona, saiky. Niresaka tamin'ny mpivarotra iray aho indray andro, hoy izy hoe, "Omeo ahy ireto herinandro roa ireto, ka raha tsy voatery hihazona an'ireo mpiasako eto aho," hoy izy, "dia hiandry hatramin'ny Krismasy manaraka aho; afaka handeha hanjono aho, na inona na inona tiako hatao, mandrapahatongan'ny Krismasy manaraka." Hoy izy hoe, "Fa avelako handeha ireo zazalahy." Hoy izy, "Mihazona azy ireo eto betsaka fotsiny aho mba hihazona ny asako hisokatra ary izany no manao—izany no manao ny tânako hitsahatra sy ny sisa." Hoy izy, "Tsy manao na inona na inona aho mandra-paha—mandrapahatongan'ny fotoan'ny Krismasy." Hitanareo, lasa zavatra ara-barotra malaza ilay izy nefä tokony ho fanompoana iray; fanompoana iray.

⁹¹ Ankehitriny, Andriamanitra, dia tena nanosotra an'i Jesosy tamin'ny fahafenoan'ny Tenany hany ka ny... Izy no Fanomezan'Andriamanitra ho an'izao tontolo izao. Fa ireo olon-kendry dia voatondro mazava, ka nanolotra ny fanomezany ho Azy izy ireo; izany no naneho fa tao am-pony dia fantatr'izy ireo hoe iza Izy, sy izay Hataony ho azy ireo. Noho izany (tsy mahagaga) ny zavatra voalohany nataon'izy ireo, dia niankohoka izy ireo, tao amin'ny lamina tanteraka, ary nanompo Azy. Talohan'ny nahafahan'izy ireo nahazo an'ilay izy mihitsy aza, dia niankohoka sy nanompo Azy izy ireo ary avy eo dia nanolotra an'ireo fanomezany. Tahaka an'izany no tokony hanaovana ny tena Krismasy: manompo Azy, avy eo dia manolotra ny fanomezanareo; manolotra ny tenanareo ho fanatitra velona, masina ary ankasitranan'Andriamanitra.

⁹² Fa fantatrareo moa, taorian'ny nanaovan'ireo olon-kendry an'izany? Ilay ray sy renin'i Kristy... ilay ray mpanangana (mazava ho azy) sy reny ihany koa, satria Andriamanitra dia sady Rainy no reniny. Fa hitantsika fa nanaiky an'ireo fanomezana avy tamin'ireto olon-kendry ireto izy ireo. Tsy mahagaga raha nantsoina hoe olon-kendry izy ireo. Hendry izy ireo. Izy ireo dia tena...nanana fahendrena. Raha hendry mihitsy tahaka an'izany ireo olona amin'izao andro izao, tena hendry mihitsy! Mila olon-kendry iray ny manatona an'i Kristy. Ny olona iray izay mihodina manalavitra Azy dia olona tsy hendry iray. Fa mila olon-kendry iray, ny manatona an'i Kristy.

⁹³ Mariho ankehitriny! Fa taorian'izany ireo olon-kendry dia nanondro Azy tamin'izay haha-izy Azy, ary hitantsika amin'ny alalan'ny Soratra fa izany marina tokoa Izy: Maha-Andriamanitra ao amin'ny asa ho an'ny fahafatesana.

Ho an'ny inona? Maha-Andriamanitra ao amin'ny asa ho an'Andriamanitra ho an'ny fahafatesana. Jesosy no Maha-Andriamanitra ao amin'ny asa ho an'ny fahafatesana, mba hanavotra an'izao tontolo izao. Saingy inona no nanaovan'izao tontolo izao an'Izany? Nandà an'Izany izy ireo. Nolavin'izy ireo Izany. Nahoana? Ny sasany tamin'izy ireo, ny ampahany goavana tamin'izy ireo, dia nanao an'izany satria izao: satria tena maty Izy! Hoy izy ireo hoe, "Tsy afaka ny ho Maha-Andriamanitra Izy nefá maty." Ilay Olona (ilay vatana) no tsy Maha-Andriamanitra, fa ny Maha-Andriamanitra dia tao anatin'ilay vatana. Tsy maintsy levona io vatana io. Ilay tena Kristy mihitsy izay ao anatinareo no zavatra tokana izay afaka manangana anareo. Izany no Maha-Andriamanitra, Andriamanitra ao anatinareo.

⁹⁴ Ankehitriny, mariho! Ankehitriny, mitovy amin'ny ankehitriny, nandà ny Maha-Andriamanitra voatondro izy ireo. Azonareo ve ilay izy? Hametraka ny anarany eo amin'ny bokim-piagonana tokoa izy ireo ka hanao hoe, "Hiezaka aho ny hiaina amin'ity fanekekem-pinoana ity." Hanao voady iray amin'ny alàlan'io izy ireo. Fa rehefa tonga eo amin'ny hoe fanekena ny Maha-Andriamanitra ilay izy, ka maneho indray an'ilay karazana fanomezana iray ihany tahaka ny nataon'izy ireo...hoe ianareo dia voatondro amin'ny alàlan'ny fanomezanareo, hoe manome ny tenanareo manontolo ho an'Izany ianareo, amin'ny Maha-Andriamanitra voatondro. Amin'izay fotoana izay dia manondro ny tenanareo miaraka amin'ilay Maha-Andriamanitra ianareo, amin'ny fanomezana ny maha-izy anareo rehetra, izay maha-izy anareo, ho an'ny Maha-Andriamanitra Izy tenany.

⁹⁵ Ankehitriny, Kristy ao amin'izao andro izao, izay iainantsika ankehitriny, dia mbola ny Maha-And...manondro ny Tenany: Maha-Andriamanitra, eo anivon'ny olona. Mbola Maha-Andriamanitra foana Izy, satria Izy no Teny. Ary rehefa mahita ny Teny velona Izy tenany isika, amin'izay fotoana izay dia fantatsika fa ny olona dia tsy afaka manao an'izany. Izany dia ny Maha-Andriamanitra, ny Teny tonga voaseho amin'ny alàlan'ny olona. Ary Jesosy Izy tenany no nilaza hoe, "Tsy afaka manao na inona na inona amin'ny Tenany ny Zanaka. Tsy afaka manao na inona na inona Aho, Olona iray Aho," hoy Jesosy. "Fa Ny Raiko izay mitoetra ato Amiko, Izy no maneho Amiko ny zavatra rehetra izay ataon'Izy tenany." Amena! Eo ianareo izao! Inona izany? Maha-Andriamanitra voatondro ao amin'ny olona. Ankehitriny, ilay zavatra iray ihany amin'izao andro izao; io Maha-Andriamanitra io, ilay Teny nampanantenaina ho an'izao andro izao, dia afaka manondro ny Tenany ao anatinareo. Amena! Noho izany dia omeo an'Izany ny aminareo manontolo. Asehoy fa mino an'Izany ianareo. Omeo an'Izany ny Maha-Andriamanitra: minoa an'Izany, asa, ary aoka ho vonona ny ho faty amin'ny tenanareo sy amin'ny eritreritraiseo manokana. Fa

amin'izao andro izao dia nolavina Izany tahaka ny naха-изы Azy tamin'izany.

⁹⁶ Mariho, Andriamanitra no nitari-dàlana ny Magy niaraka tamin'ireo fanomezana ireo. Satria saiky isaky ny roa taona, dia nanaraka an'io Kintana io izy ireo. Hitanareo? Ary izany no maneho fa tsy mety ho anankiray amin'ireo zavatra araboajanahary izay nitranga Izany. Hitanareo? Satria raha ireo kintana, mitety an'ireo fihodinana, no nifanena, dia ho naneho izany fa nisy zavatra hafa. Satria...raha tsy ireo Magy no nahita Azy, ela be talohan'ny nitrangany, ka nahafantatra fa tsy maintsy hiampita amin'io lâlana io izy ireo; hitanareo, tao amin'ireo lâlana izay nahatongavan'izy ireo. Ary niampita mihitsy tao Betlehema izy ireo tamin'io fotoana io, nanomboka tany, tany aloha, nahafantatra fa hifindra tahaka an'izany ireo vatan-danitra ireo.

⁹⁷ Ankehitriny, Andriamanitra no nitari-dàlana ny Magy satria nanana an'ireo fanomezana marina izy ireo. Andriamanitra no nitari-dàlana an'ireto olon-kendry ireto satria nanana an'ilay fanomezana marina voatondro izy ireo mba hanondro Ny Zanany. Oooooh, oadray! Azonareo ve ilay izy? Ireo olon-kendry amin'izao andro izao, mitsangana amin'ny Anaran'ny Tompo, tsy miaraka amin'ireo zavatra angano sasany, fa miaraka amin'ny fanomezana izay nampanantenain'Andriamanitra ho an'izao andro izao, ka Andriamanitra no hitari-dàlana anareo mba hanondro fa Jesosy Kristy no tsy miova omaly, anio, ary mandrakizay. Eo ianareo izao: olon-kendry!

⁹⁸ Andriamanitra no nitari-dàlana an'ireo fanomezana ireo satria fanomezana hanondroana Azy izy ireo. Olon-kendry, amin'izao andro izao, izay afaka mijery lavitra miala amin'ny rafi-piangonana sy ireo zavatr'izao tontolo izao rehetra, mankany amin'ny Teny Velona an'Andriamanitra! Ka Andriamanitra no hanondro Ny Zanany amin'ny alàlan'Ny Teniny, satria Izany no maha-izy Azy. "Izaho sy Ny Raiko dia iray." Ary, "Tamin'ny voalohany ny Teny, ary ny Teny tao amin'Andriamanitra, ary ny Teny dia Andriamanitra. Ary ny Teny dia tonga nofo ka nonina teo anivontsika." Ary ilay Teny iray ihany androany, Izy no tsy miova omaly, anio ary mandrakizay. Ka ny olon-kendry iray dia manaraka an'Izany, satria Izany no karakarain'Andriamanitra mba hanondro ny Tenany amin'ny alàlan'Izany. Amena! Fanomezana iray! Ny tena, fanomezan'Andriamanitra voatondro iray, dia Andriamanitra no mitondra an'izany manerana ny zavatra rehetra tahaka an'izany, mba hanondroana ny Tenany.

⁹⁹ Ary tahaka an'izany no nanondroana an'i Kristy: tamin'ny alàlan'ny volamena, miora, ary zava-manitra, tamin'ny alàlan'ireo olona izay nanao aloka mialoha sy naneho tao amin'ny tandindona hoe toy ny inona ny Fiainany. Hitanareo? Ny Maha-Andriamanitra voaseho ho an'ny asa, ho faty mba

Ahafahany manavotra ny firenena, satria Izy no tsy maintsy "hamonjy ny Olony amin'ny fahotan'izy ireo." Tsy hamonjy an'izao tontolo izao, hamonjy ny Olony amin'ny fahotan'izy ireo. Nilaza ny Baiboly eto hoe, "Fa ny—Ny Anarany no hitokian'ireo Jentilisa." Hitanareo? Hahatoky Ny Anarany ireo Jentilisa. Amena! Amin'ny teny hafa, dia ny Ampakarina, ilay *nantsoina-hivoaka* avy amin'ireo Jentilisa, dia hahatoky ny Anaran'i Jesosy Kristy, "Ny Anarany no hitokian'ireo Jentilisa." Ankehitriny, Andriamanitra no nitari-dàlana azy ireo, satria izy ireo dia... ireo fanomezana izay nomen'izy ireo, dia nety tsara tamin'ilay fotoana.

¹⁰⁰ Mariho! Araka ny nolazaiko, Andriamanitra dia...Izy—Izy dia nizarazara Ny Teniny tany amin'ny voalohany, ao amin'ny Genesisy. Afaka maka ny Genesisy aho ka maneho aminareo ny taona tsirairay ao amin'ny Baiboly, hatramin'ity taona eto ity. Ny fanompoam-pivavahana rehetra sy ny sisa izay ananantsika amin'izao andro izao, afaka maneho aminareo marina tokoa aho hoe taiza izy ireo ao amin'ny Genesisy. Hitanareo?

¹⁰¹ Andriamanitra dia nanome Ny Teniny tena betsaka *eto*, tena betsaka *eto*, tena betsaka *eto*, ho an'ny taona tsirairay. Ary avy eo dia nandefa mpaminany iray Izy, voahosotra mba hanao an'io Teny io hiseho, ary izany no manohana an'ilay anankiray hafa izay ho avy. Hitanareo, tahaka ny Mesia, voatohana foana. Ny mpaminany rehetra tao amin'ny fiainany manokana, ny tenany manokana, ny Teny izay nomena ho an'io andro io, tonga izy ary nanatanteraka an'io Teny voasoratra io ka niteny mialoha an'izay haha-izy an'ilay anankiray hafa. Ary ny tsirairay avy tamin'izy ireo dia niresaka ny Aminy (ameny) satria Izy no fahafenoana, Izy no Lohan'ireo mpaminany, Izy no Tenin'Andriamanitra, Izy no ireo mpaminany. Amena! Io Izy. Mariho! Mahafinaritra toy ny ahoana Izy: ny tsirairay avy tamin'ireo mpaminany ireo.

¹⁰² Avy eo rehefa tonga Izy, dia Izy no fahafenoan'ireo mpaminany rehetra, voaseho; satria izy ireo no Tenin'ny Tompo, ary Izy no nilaza Izy tenany hoe, "Raha ianareo no miantsio an'ireo ho andriamanitra, izay nahatongavan'ny Tenin'Andriamanitra, dia ahoana no ahafahanareo manameloka Ahy rehefa milaza Aho hoe 'Izaho no Zanak'Andriamanitra'?" Hitanareo, na dia ireo izay tao amin'io taona io aza dia voatondro ho andriamanitra, Andriamanitra no niantso azy ireo, Izy tenany hoe, "andriamanitra." Inona izy ireo? Izy ireo no fanehoana Ny Teniny. Ary teo Izy, ilay fahafenoan'ny Teny, Maha-Andriamanitra tao anaty vatana, Maha-Andriamanitra voaseho tao amin'ny nofo.

¹⁰³ Diniho! Fa ireo fanomezana ireo, izay nentin'ireto olon-kendry ireto, tsy azon'izy ireo nentina ho an'ny mpaminany iray izany. Tsy ho marina ilay izy. Hitanareo? Tsy afaka nandeha nankany amin'i Elia ireo fanomezana ireo, tsy afaka nandeha

tany amin'i Mosesy izy ireo, tsy maintsy nankany Aminy izy ireo. Ary satria misy dikany hentitra ireo fanomezana ireo ho an'io andro io, ary tsy maintsy nanondro hoe Iza Izzy tamin'ny alàlan'ireo fanomezana ireo, noho izany dia indro tonga Andriamanitra ka niaro Azy. Ary nitahiry azy ireo, nandritry ny roa taona tany, mandra-pahitan'izy ireo an'ilay Hazavana Tanteraka. Nety toy ny ahoana!

¹⁰⁴ Zavatra iray ihany amin'izao andro izao. Manana vahoaka isika izay tena mahatoky, vahoaka mahafinaritra, vahoaka tena izy. Saingy, hitanareo, ao amin'io, dia tsy maintsy hisy zavatra hiseho, izay nataon'Andriamanitra foana, mba hanondro an'ity andro ity. Ity no andro izay itenenana an'ireo zavatra ireo hitranga. Tsy hisy maro, ho tena, tena vitsy fotsiny no ho voavonjy. Ny Baiboly no niteny an'izany. Hisy eran'ny tånana fotsiny.

¹⁰⁵ Jesosy Izzy tenany no nilaza hoe, "Tahaka ny tamin'ny andron'i Noa, izay nisy fanahy valo voavonjy." Fanahy valo, avy tamin'ny—ny taranaka mitovy amin'izao. "Tahaka ny tamin'ny andron'i Noa." Inona izany? Vahoaka malaza, voakolokolo, mpiasa malaza, mpanorina malaza, zavatra malaza tahaka ny nananan'izy ireo. Nanao an'ity fandrosoana ity tahaka an'izany fotsiny, ireo zavatra malaza izay nananan'izy ireo. "Fa tahaka ny tamin'ny andron'i Noa, dia ho toy izany koa amin'ny fihavian'ny Zanak'Olona." Hitanareo? Ary Andriamanitra nanana an'i Noa hanondro Ny Teniny nampanantenaina. Tena nety tsara mihitsy ilay izy. Ilay sambofiara dia nety tsara tamin'ny Tenin'Andriamanitra izay noteneniny, hoe handringana ny olona Izzy. Saingy namonjy an'izay azony novonjena izy.

¹⁰⁶ Ankehitriny, ireto olon-kendry ireto, izay nitondra ny fanomezany, dia nanondro. Ireo fanomezany no nanondro izay nahe-izy Azy, ary izany no antony niarovan'Andriamanitra an'ireo fanomezana ireo nandritry ny fandehanana rehetra izay nataon'izy ireo. Narovany Izany mandra-pahatongan'izy ireo niaraka tamin'ireo fanomezana ireo, satria nety tsara ho an'ilay fotoana izy ireo. Azon'ny fiangonako ve izany? Izany no miseho ankehitriny! Manantena aho fa tsy handeha eo ambonin'ny lohanareo izany. Tsy maintsy miteny azy amin'ny fanoharana aho, saiky, hitanareo. Fa hitanareo ve? Izany dia hoe ireo zavatra izay mitranga dia mety tsara ho an'ity andro ity, Laodikia. Izany no fotoana mety, izany no antony niarovan'Andriamanitra Azy. Hitanareo, nitahiry Azy mihitsy mba hanondroana ny Tenany. Ireo fanomezana ireo, na dia fahafatesana iray aza no vidiny, dia nametraka vato manafintohina iray izany teny amin'ny lâlân'izy ireo. Fotoana mety iray izany, marina izany, mety ho an'ilay andro. Izany no antony niarovan'Andriamanitra Azy, tahaka ny Nataony. Hiaro an'Izany Izzy, mandra-pahatanteraky ny Tanjony.

¹⁰⁷ Oh, namaky tantara iray aho, tonga tao an-tsaiko vao tsy ela akory izay, an'ny zavatra iray mitovitovy amin'izany. Nisy tanàna lehibe iray, teto amin'ity firenena ity, ary... New York. Ary tamin'ny ankatoky ny Krismasy izany. Ary nisy fianakaviana mahanttra iray tany. Dada antitra kely iray, tratry ny TB izy, ary izy dia... ary tratry ny TB ny vadiny. Tsy mba nanana tombontsoa izy ireo. Fa izy—izy dia karazan'ny... Nalemy izy ka tsy nisy olona nanakarama azy. Tsy nanana fianarana izy, ary izy—izy... tsy nila azy ny olona.

¹⁰⁸ Voaroaka iray fotsiny izy, lasa mpirenireny iray. Izao fotsiny... fantatrareo hoe inona ny mpirenireny iray, mandehandeha fotsiny dia—dia mitsindroka zavatra, dia mivarotra an'izany ary mahazo an'izay mety azonareo; izay tombony kely azon'izy ireo amin'izany, no ezahan'izy ireo iainana. Anankiray fotsiny... tahaka ny mpanao varo-mandeha iray na zavatra iray, eny an-dàlambe; mandeha mividy paingotra vitsivitsy sy fanjaitra ary fanosehana, ary na inona na inona azon'izy ireo vidiana. Ary—ary maka an'izany, ary—ary angamba mividy iraimbilanja ny fonosana iray, ka mivarotra azy ireo nikela iray; ary mahazo efatra cents isaky ny fonosana, ary angamba ao anatin'ny andro iray. Hoy ianareo hoe, "Izany dia—tombony lehibe iray izany." Saingy eritrereto fotsiny, izay ihany no lafony ao anatin'ny indray andro. Angamba nahazo roapolo, telopolo cents isan'andro, nefà nanana fianakaviana iray izy.

¹⁰⁹ Ary ilay—ilay vady kely, satria nalemy, izy—maty izy.

¹¹⁰ Ary ho tonga ny fotoan'ny Krismasy. Ary ilay zazavavy kely, izy dia tratra... nohon'ny tsy fahampian-tsakafo, tsy nanana sakafo tsara sy ny sisa; izy dia tratry ny TB, ihany koa. Ary izy dia zazavavy kely iray, ary teo amin'ny valo, sivy taona teo, folo. Ary tsy mbola nahazo saribakoly iray mihitsy izy ho an'ny Krismasy. Fa izany no fanomezana iray nilainy, dia saribakoly iray.

¹¹¹ Ary ilay ray, tsy afaka nanome azy fikarakarana arapitsaboana sy ny sisa, dia... izy—hitany fa ho lasa haingana ilay zazavavy kely, dia niezaka ny tsarany indrindra izy mba—mba—mba—mba hanangona vola betsaka hividianana saribakoly iray ho azy ho an'ny Krismasy; raha afaka hahazo betsaka fotsiny izy hividianana saribakoly kely iray ho azy! Ary noho izany dia nanatona ny fotoan'ny Krismasy, nanomboka ilay toet'andro ratsy, tratry ny karazana aretin'avokavoka iray ilay zazavavy kely, ary—ary maty izy, herinandro vitsy talohan'ny Krismasy mihitsy. Ary ilay ray, mazava ho azy, torotoro fo, nandeha nankeo amin'ilay kapoaka vifotsy keliny izy ka namoaka ny vola. Dia nieritreritra an'ilay zananivavy kely izy, ary izy nila ny—saribakoly iray tahaka an'ireo zazavavy kely. Hitanareo, ho reny kely iray.

¹¹² Mahamarika ianareo hoe toy ny ahoana ny zazavavy kely iray, mandeha mankeo amin'ny saribakoly iray izy, satria izy...

izany no natiorany, izy dia—ho reny iray izy. Ho reny izy indray andro any raha velona sy ny sisa. Fantatrateo, ny natiorany. Izany no antony itiavan’ny zazavavy kely iray saribakoly kely iray, tiany ny mikarakara azy; satria na ahoana na ahoana, izy—izy dia kely iray, amin’ny ampahany, re—re—reny kely iray.

¹¹³ Ary nila saribakoly kely iray izy, fa tsy mbola nanana anankiray mihitsy. Ary nitahiry ny zavatra rehetra izay azomy notehirizina i Dada mba—mba hividianana saribakoly kely iray ho azy. Ary, noho izany, maty izy.

¹¹⁴ Ary somary tratry ny fahavoazan-tsaina kely ilay ray. Efa nalaina ny vadiny, ny zananivavy kely, ka somary lasa teo amin’ny toerana iray ny sainy hany izy—izy... izy dia mbola—nandeha nankeo am-pandriana izy isaky ny hariva dia niresaka tamin’ity zazavavy kely ity, na dia efa... voalevina aza izy. Fa nihevitra izy fa izy dia—izy dia niresaka taminy, ka niteny taminy hoe, “Ankehitriny, Malala, tsy ho ela intsony, dia handeha hividy an’io saribakoly io ho anao i Dada ho an’ny Krismasy. Ary—ary nampanantena anao an’ilay saribakoly i Dada, ka izaho—izaho dia—handeha hividy azy aho.”

¹¹⁵ Farany, tonga ny Krismasy. Ary, mazava ho azy, fantatrateo hoe ahoana ilay izy. Ny manan-karena dia nanao an’ireo—ireo fetiny goavana; ary—ary mirehitra ireo labozia, sy ireo kilasin’olona ambony malaza ao amin’ireo fiangonana, ka miresaka ny amin’i Jesosy sy—sy ny sisa (izany ireo fiangonana), ary mandeha ao anatin’ny karazana lamesa am-pahazarana, sy mihira, ary ireo hira fiderana sy ny sisa. Kely no fantatr’izy ireo amin’izay niseho tany amin’ny faran’ilay lalankely, ao ambadik’io rehetra io.

¹¹⁶ Ity lehilahy kely tany ity, ary tany ivelan’ny tenany izy. Tiany mafy mihitsy ny hahazoan’io zazavavy kely io an’ilay saribakoly, satria tena niangavy an’io saribakoly kely io izy. Noho izany dia lasa izy ka nividy saribakoly vorodamba kely ho azy, iray kely—zavatra kely iray, angamba teo amin’ny telopolo cents teo; zavatra maloto kely iray izay novidiany, teo amoron’ilay lalambé tany. Ary hariva tena mangatsiaka tamin’izany, ireo—ireo—ireo rivotry ny tafiotran’oram-panala dia nitsoka, nilatsaka mafy ny oram-panala tany; ary New York, dia eo amorontsiraka mihitsy.

¹¹⁷ Ary feno ireo lalambé; ary ireo olona tao amin’ireo fiarany lehibe, goavana mihaja. Ary ireo fetim-pisotroana, nisotro tafahoatra, ilay fankalazana ny fahaterahan’i Kristy sy ireo zavatra izay resahantsika izao hariva izao, miezaka ny mihevitra fa izany no fomba tsara anaovana an’izany; mandrendrika fotsiny an’ireo alahelony taloha sy ny sisa, ary izany—izany no fomba anaovana an’ilay izy. Ireo rehetra ireo...

¹¹⁸ Nitsangana tao amin’ny fivarotana aho, indray andro, ary vehivavy iray no niresaka mikasika ny amin’ny... nihaona ny zazavavy roa ka tian’izy ireo ho fantatra hoe inona no

novidiany ho an'ny dadany. Ary hoy ny iray tamin'izy ireo hoe, "Eny, izy..." Nividy karazana sigara iray baoritra ho azy izy. Ary nilaza ilay iray hafa fa nividy ny faha-dimin'ny whisky ho azy izy ary ny—ary ny—ary karatra filalaovana iray fonosana. Ankehitriny raha tsy izany no fanolorana fanomezam-pahatsiarovana iray ho an'ny fahaterahan'i Jesosy Kristy Tompo! Ary tahaka an'izany ilay izy, hitanareo, andiana girilandy goavana iray fotsiny ilay izy. Tsy misy Krismasy mihitsy ao anatin'izany.

¹¹⁹ Ary noho izany dia hitantsika ankehitriny, ity lehilahy kely ity, nirenireny teo izy. Ary fantany tao am-pony fa efa lasa ny zananivavy kely, saingy nandeha izy ary nividy an'ilay saribakoly na ahoana na ahoana. Dia nieritreritra izy hoe, "Hanomboka handeha fotsiny aho, hahita azy any ho any aho. Ho eto an-dàlambe eto izy ka hahita azy aho." Dia nanomboka nandeha izy.

¹²⁰ Izy—tsy afaka nanadala ny tenany izy, tsy tao anatin'io trano bongo kely io izy sy tao anatin'ilay fandriana kely, rovidrovitra, maloto; fa, efa nalevina izy. Noho izany, izy—nahafantatra izy. Nihevitra izy fa hahita azy eny an-dàlambe. Hoy izy hoe, "Hanohy handeha fotsiny aho." Ary nandeha nanerana an'ireo lèlankely izy, raha mbola nihira ny hira fiderany sy nanohy izy ireo. Dia nandeha teo amin'ilay lèlankely izy, nitondra an'io saribakoly kely, maloto io; nihazona an'izany tao anatin'ny palitaony, teo amin'ny fony, nieritreritra an'ilay zananivavy kely.

¹²¹ Ary farany dia sendra nahita azy ny polisy iray, ary ilay polisy izy tenany dia nisotro kely, dia nihazakazaka teo amin'ilay lèlankely izy ka nisambotra an'ilay lehilahy antitra ary nampiverina azy. Hoy izy hoe, "Inona no ataonao mandehandeha ato?"

¹²² Hoy izy hoe, "Mitondra an'ity saribakoly kely ity aho, tompoko, ho an'ny zanakovavy kely."

¹²³ Hoy izy hoe, "Eny, aiza ianao no mipetraka?" Dia noteneniny taminy izay nipetrahany. Hoy izy hoe, "Eny, lasa lavitra an'izany toerana izany ianao, mamo ianao. Mandehana miverina amin'ilay lèlana hafa."

¹²⁴ Hoy izy, "Tompoko, izaho dia—tsy mamo aho. Nampanantena ny zanakovavy kely aho fa izaho dia—hividy fanomezana iray ho azy ho an'ny Krismasy aho." Ary hoy izy, "Ny fanomezana mety iray ho an'ny zazavavy kely iray dia saribakoly kely iray."

¹²⁵ Dia hoy izy hoe, "Avelao ho jereko izany." Noho izany dia nasehony azy ny saribakoly kely iray, toa maloto, vorodamba. Ary nohazoniny izany tao anatin'ny... teo akaikin'ny tratrany, nihazona an'ilay saribakoly kely toy ny hoe izy... Noho izany ilay polisy, mamo tapaka, ny tenany, dia nandronjina azy ary

nanomboka nandeha. Nandeha teo amin'ilay lèlankely ilay lehilahy antitra, ary nilatsaka haingana be ny oram-panala.

¹²⁶ Ary, eny, nihato ireo fetin'ny misasakalina. Ny ampitso maraina, dia nitsahatra ny oram-panala, nivoaka ny masoandro. Ary noho izany izy ireo dia tsy maintsy... teo amin'ny olona rehetra avy tao amin'ireo fetim-pifaliany lehibe dia nisy... vongan-gilasy teo amin'ny lohan'izy ireo, nohon'ny fisstroana be loatra sy ny fankalazana ny—ny fahaterahan'i Kristy. Ary—ary maro tamin'izy ireo no farim-peo nohon'ny hadalana, noho izay niseho rehetra.

¹²⁷ Fa tery amin'ny faran'ilay lèlankely, dia nahita an'ilay lehilahy antitra izy ireo. Ary rehefa navadik'izy ireo izy, dia nanana an'ilay saribakoly kely teo akaikin'ny fony izy. Ataoko fa nitondra ny fanomezany ho azy izy. Hitany tao amin'ny Tany iray izay tsy eto izy. Izy—izy—nentiny ilay fanomezana. Fanomezana iray mety izany. (Andriamanitra, mamindrà fo.) Kanefa dia ny fahafatesany no vidin'izany. Tsy nisy fomba hafa teto amin'izao tontolo izao izay nahafahany nanome azy an'ilay fanomezana, efa voalevina izy. Saingy ny fomba tokana nahafahany nanao an'izany, dia ny handeha tahaka an'izany. Tsy nidika be loatra ilay saribakoly kely, heveriko, ilay saribakoly kely maloto tarehy, saingy izany... nataony inona izany? Nahatanteraka fampanantenana iray izay nataony izany. Tsy mampaninona izay noheverin'ny olona mikasika an'izany, ireo tènany maloto no teo ambonin'ny saribakoly kely iray, maloto, saingy izany—nahatanteraka fampanantenana iray ho an'ny zananivavy kely izany.

¹²⁸ Matetika izy ireo dia mihevitra ny Filazantsara ho fihirana, fitendrena, tsy nilain'izy ireo Izany rehefa Andriamanitra no nitondra Azy, nefä nanatanteraka fampanantenana iray izany hoe hanome Ny Zanany Izy. Ary mba fantatrareo moa? Izy ireo dia namela Azy ho faty, ihany koa, mitovy amin'ny mpirenireny iray eny an-dàlambe. Tena marina tokoa izany, navelan'izy ireo ho faty tahaka ny mpirenireny iray eny an-dàlambe Izy. Ary amin'izao andro izao dia entin'izy ireo tahaka ny mpirenireny iray eny an-dàlambe Izy, saingy nanatanteraka an'izay nasaina Nataony Izy. Izy no Fanomezana izay nampanantenain'Andriamanitra an'izao tontolo izao.

¹²⁹ Izao hariva izao, dia avelao aho handray Azy ho Mpamonjiko ao amin'ny foko. Avelao aho handeha hanatrika ny fahafatesako, na inona ilay izy na inona, tahaka an'izany. Nampanantenana ny aiko ho Azy aho. Tiako ny hitondra an'izany ho Azy. Tsy mampaninona izay tsy maintsy handehanako, raha tsy maintsy mandalo fahafatesana aho, raha tsy maintsy ho voatifitra aho; tsy mampaninona izay miseho, tsy maintsy hihomehezana aho, antsoina hoe “adala,” sy ny sisa, voaroaka avy tao amin'ny sisa an'ireo fiangonana Kristiana sy ny sisa, izaho...izany no

fanomezan'Andriamanitra iray izay hazoniko ao am-poko. Izy no nanome an'izany, tiako ny hitondra an'izany ho Azy.

Ndoa isika hanondrika ny lohantsika vetivety.

¹³⁰ Miresaka an'ireo fanomezana mety aho, fanomezana mety ilay izy satria ny zazavavy kely...zazavavy kely iray izy, ho lasa, reny kely iray (ho lasa an'izany), ny fanomezana mety iray dia ny saribakoly kely. Ny fanomezana mety iray izay azon'Andriamanitra, ilay Mpamorona, homena ny Famoronany, dia ho Mpamonjy iray hamonjy azy avy tao amin'ny toerana izay nisy azy. Manontany aho, izao hariva izao, raha manatona ny Krismasy isika ankehitriny, ary heveriko fa izao no ho hafatra farany izay henoointsika eo anelanelan'ny ankehitriny sy ny Krismasy, raha tsy hoe manana ny hafatra ao amin'ny radio an'ny olona iray isika.

¹³¹ Manontany aho, izao hariva izao, raha hanaiky an'ilay Fanomezana izay nampanantenain'Andriamanitra antsika isika: Fiainana Mandrakizay, mba hino an'i Kristy sy handray ny Fanahy Masina. Raha tsy manana ianareeo, ka ho tianareeo ny hanaiky ny tena fanomezan'ny Krismasin'Andriamanitra, marina, dia hanangana ny tānanareo ve ianareeo? Manaova hoe, "Rahalahy Branham, izaho—tsy fantattro, izaho dia—izaho dia nino an'Izany matetika. Ary efa nandinika an'ireo zavatra izay nataoko aho. Ary izaho dia karazan'ny, kely fotsiny, ao amin'ny fisalasalana." Aza—aza misalasala intsony, ry sakaiza.

¹³² Hitanareeo, izany—efa tara loatra ny hisalasalana ankehitriny. Aoka isika ho tena hahazo antoka an'izany. Manaova hoe, "Mivavaha ho ahy, Rahalahy Branham, ary izaho dia mila ny...ny Fanomezan'Andriamanitra ho an'izao tontolo izao, dia Jesosy Kristy. Izaho—izaho—mila an'ity ho tena Krismasy iray aho. Hanaiky ny Fanahy Masina ao am-poko aho. Afaka hitrotro ahy manerana an'ireo tafio-drivotry ny fiainana rehetra izany, ka indray andro any dia afaka ny ho tonga ao amin'Ny Fanatrehany miaraka amin'io fanomezan'ny Fiainana Mandrakizay io aho. Hanaiky ahy eo ambanin'ireo fototra ireo Izy, izany ihany no fomba tokana Hanaovany an'izany."

¹³³ Sa, manana an'ilay fanomezana tsara ianareeo izao hariva izao? Ilay karazana toetra tsara? "Ray, hanaraka Anao aho na aiza na aiza Alehanao. Na inona na inona Lazainaao hoe 'Ataovy,' dia hataoko izany. Na inona na inona lazain'Ny Teninao amiko hoe, 'Ataovy,' dia hataoko izany. Eny, Tompoko, tsy ahoako izay lazain'ny olon-kafa rehetra, hataoko izany satria mila Ny Fanomezana aho; Fiainana izany, ary Kristy no Teny."

¹³⁴ Raha tsy afaka mino ny Teny rehetra ianareeo, ka manao hoe, "Eny, tsy fantattro, izaho—mino an'izany aho...ity, mino an'itsy aho, saingy tsy afaka handeha amin'ity fotsiny aho, tsy afaka handeha amin'itsy aho." Tahaka an'ireo fitopolo izay niala ianareo. Tsy afaka nanaiky ny Teny rehetra izy ireo ary nandray

an'i Kristy tao amin'ny fahafenoan'ny Maha-Andriamanitra Azy sy ny Asany; ka vonona ny ho faty tahaka ny Nataony ho anareo.

¹³⁵ Noho izany dia hanangana ny tànanareo fotsiny ve ianareo, miaraka amin'ny lohanareo miondrika, ka hanao hoe, "Mivavaha ho ahy"? Andriamanitra hitahy anao. Ary Andriamanitra hitahy anao. Andriamanitra hitahy anao. Andriamanitra hitahy anao, ry zazavavy kely. Oh, Andriamanitra hitahy anao. Eny, hitako ny tànanareo. Hitahy anareo ny Tompo, azo antoka. Io Fanomezana kely io, an'i Kristy, izay nalefan'Andriamanitra ho an'izao tontolo izao; ary nanondro an'Izany tamin'ny...nanondro an'Izany ny Magy, nanondro an'Izany ny Fiainany Manokana, nanondro an'Izany ny Fahafatesany, nanondro an'Izany ny Fitsanganany, manondro an'Izany ny fanekenareo, ary manondro ny Tenany miaraka aminareo Izy hoe ianareo dia Azy ary Izy dia anareo. Raha ianareo no tsy tena...hitanareo, ny fihetsehan'ny Fanahin'Andriamanitra miasa ao anatinareo, ao amin'ity vanimpotoan'ny Krismasy ity, no enga anie ho tonga aminareo ankehitriny.

¹³⁶ Ray any An-danitra, raha mivembena tahaka an'ilay mpirenireny teny an-dàlambe izahay, tsy nisy na iza na iza nampiasa azy. Nandeha nanohy tao anatin'ireo fankalazany adala mihitsy izao tontolo izao, dia toy izany koa izy ireo izao hariva izao, Tompo. Fa matetika dia mahatsapa tahaka an'io mpirenireny io izahay, saingy efa nanaiky Fanomezana iray izahay. Noho izany dia mivavaka izahay, Ray, mba Hanaovanao anay ho fanomezana iray, an'ny hazavana iray, ho an'ity izao tontolo izao eo am-pahafatesana ity. Maro eto no nanangana ny tànany hoe mila an'ilay Fanomezan'Andriamanitra izy ireo hoe Izy, Izy tenany, dia tsy maintsy nanolotra Ny Zanany lahitokana, nidina, lasa Olona iray. Nidina tena ambany Izy hany ka izy ireo aza dia tsy...Izy dia tonga tena ambany ary tena nanetry tena hany Izy—Izy ka tsy nanana fandriana iray akory aza mba hahaterahana. Ny—ny—ny ombivavy iray no tsy maintsy...na soavalys iray na zavatra iray no tsy maintsy nanome ny fihinanam-bilony, nihataka teny amin'ny ilany, (biby iray) ny olombelona dia lasa tao amin'ny toerana izay nisy. Izy—Izy dia nidina tao anatin'ny—tao anatin'ny fihinanam-bilona iray, zohy kely tranom-biby tranaindy teo amin'ny ilan'ny havoana tany Betlehema tany, izay zanakalahin'ny mpijangajanga iray no nanorina an'ilay tanàna kely taona maro tany aloha.

¹³⁷ Ary ankehitriny, Tompo, hitanay fa indray alina, alina mangatsiaka iray, dia izao no nolazaina Taminy hoe, "Raby, te-hody any an-trano hijaraka Amino izahay izao hariva izao."

¹³⁸ Dia hoy Izy hoe, "Eny, ankehitriny, ireo vorona dia manana ny akaniny, ary—ary ireo amboadia manan-davaka, fa Izaho—Izaho tsy manana ny...na dia toerana iray hametrahana

ny Lohako akory aza.” Ary tahaka an’izany no namelan’izy ireo Azy ho faty, tahaka an’ilay mpirenireny teny an-dàlambe.

¹³⁹ Ray any An-danitra, afaka ve ny—ny Kristiana, afaka mahita ve ny olona amin’izao andro izao fa—fa Izany no Fanomezana lehibe? Ary maro eto, izao hariva izao, mihoatra nohon’ny roa ambin’ny folo, heveriko, no nanangana ny tànany hoe nila hahazo ny Fanahy Masina izy ireo. Enga anie hisy tahaka an’ireo olon-kendry eo, angamba tsy misy olona amin’ny sisa amin’ny fiangonana akory aza no hahita an’izay miseho. Ary io Kintana io, io Hazavana mahagaga io dia nandalo teo ambonin’ireo trano fandinhana, nandritry ny roa taona, izay nisy an’ireo olona nandinika ny fotoana mihitsy aza tamin’izany fotoana izany tamin’ny alàlan’ny famantaranandro efatra, nandinika ny fotoana tamin’ny alàlan’ireo kintana. Tsy nisy olona, tsy nisy mpahay tantara nanoratra ny amin’izany. Tsy nisy nahafantatra na inona na inona mikasika an’Izany, kanefa dia teo Izany. Fa ireto olon-kendry ireto, niaraka tamin’ny fanomezany nety, dia voatari-dàlana avy hatrany hatreo amin’Izany. Enga anie io Hazavana iray io ihany no hiditra ao amin’ny fo rehetra, eto izao hariva izao, izay mipetraka manatrika. Mety tsy hisy fientanam-po, mety tsy hisy an’ity, itsy, ary angamba tsy hisy anankiray hafa hahafantatra an’izany, tahaka an’ireo olon-kendry fotsiny. Fa enga anie hisy zavatra ho tafapetraka ao am-pon’ireto lehilahy ireto, vehivavy, zazalahy ary zazavavy ireto izao hariva izao, ka hanosotra ny fiainan’izy ireo io Fanomezan’Andriamanitra io. Ka manomboka amin’ity hariva ity, dia hiova izy ireo. Tsy ho tahaka azy ireo taloha intsony izy ireo. Izy ireo dia ho—ho olona iray niova manomboka izao. Enga anie izy ireo, tahaka an’ireo olon-kendry, hivily lâlana ka tsy hiverina intsony amin’ireo lamaodin’izao tontolo izao (sy Heroda, ilay lapan’ny mpanjaka), “Fa rehefa nampitandreman’Andriamanitra, dia nivily lâlana izy ireo.” Ekeo izany, Tompo.

¹⁴⁰ Izao hariva izao dia mivavaka aho mba ny lehilahy hendry rehetra, zazalahy, na zazavavy, ato izao hariva izao... Lehilahy na vehivavy izay tena hendry hivily lâlana hiala amin’ireo zavatr’izao tontolo izao amin’izao hariva izao, tsy hiverina intsony aorian’ity andro ity. Aorian’ity—handalovan’ity andro sy alina ity, dia tsy hiverina intsony amin’ireo zavatr’izao tontolo izao izy ireo, fa enga anie izy ireo ho hendry. Ary io Feo kely mahagaga izay nanao azy ireo hanangana ny tànany io sy hanao hoe, “Eny, mila ny Fanomezan’Andriamanitra aho...” Enga anie io zavatra iray ihany izay nanao azy ireo hanangana ny tànany io, no hanondro azy ireo izao hariva izao miaraka amin’ny Fahafatesany, fandevenany, ary fitsanganany, amin’ny alàlan’ny fanomezana azy ireo ny Fanahy Masina. Enga anie izy ireo hivily lâlana.

¹⁴¹ Enga anie ireto vehivavy eto ireto izao hariva izao, Tompo, izay efa tena nanana fotoan-tsarotra iray mba hiala tsy

hanahaka an'izao tontolo izao; namela ny volon'izy ireo haniry, ary niakanjo tahaka ny ramatoa, ary nanaisotra an'io lokontarehy sy ny karazany io, io namboarina io, izay maneho... izany—izany dia somary manondro azy ireo hoe tsy salama tsara izy ireo, izy ireo... misy—misy zavatra tsy mety ao. Ary enga anie izao hariva izao, io Hazavana mahagaga io, Tompo, izay nanao azy ireo hanangana ny tànany, enga anie izy ireo hanao hoe, “Tompo, mivily lâlana miala amin’ireo zavatr’izao tontolo izao aho, izao hariva izao.”

¹⁴² Ireto lehilahy ireto izay tsy mbola nanana an'ilay—ilay—ilay tena zavatra, ka hiresaka amin’ireo vadiny sy hanao azy ireo hivily lâlana; ary ireo zavatra izay atao’izy ireo. Enga anie izahay rehetra miaraka, Tompo, hivily lâlana fotsiny izao hariva izao, satria efa nampitandrem'an'Driamanitra tamin’ny alâlan’ny hafatra kely hafahafa an'ilay—ilay Hazavan'Andriamanitra izay namely teo amin’ny fonay. Enga anie izahay hivily lâlana izao hariva izao ka—ka hivelona ho Anao amin’ny andronay sisa, handeha—handeha hody hiaraka Amina amin’ny alâlan’ny fomba hafa iray noho izay efa nandehananay. Ekeo izany, Tompo. Ataovy Kristiana tsaratsara kokoa izahay, ny Kristiana rehetra eto izao hariva izao, Ray, izay nanaiky Anao sy mino Anao. Ary efa niezaka izy ireo ny hiaina ho Kristiana iray, fa izao hariva izao, dia enga anie izy ireo hivily lâlana, enga anie izy ireo hahazo an'io Fanomezana io.

¹⁴³ O Andriamanitra, izany dia—izany dia ny—izany dia lâlana nohamavoina iray. Ireo vehivavy dia hantsoina hoe “lamaody antitra,” hantsoina amin’ny zavatra rehetra izy ireo. Ary ireo lehilahy dia hantsoina hoe “fanatika.” Fa izahay dia—vonona izahay, Tompo.

¹⁴⁴ Fanahy Masina, avilio lâlana izahay, izao ankehitriny izao. Avilio lâlana aho, Tompo. Izaho—izaho—tsy te-handeha any amin’ny lâlana iray izay hitarika ahy hanalavitra Anao akory aza aho. Tompo, izaho—te-handeha fotsiny amin’ny lâlana izay Asaina handehanako aho. Mila an'ilay fanomezan’ny foko ho tena tanteraka aho mba hanondro Anao izany, Tompo, eto antany, hoe tsy maty Ianao, velona Ianao.

¹⁴⁵ Andriamaniry ny velona Ianao, fa tsy Andriamaniry ny maty. Ny maty dia rakotry ny lalitra tanteraka, ary lali-kena, mamorona tsimok'aretina sy lali-kena amboniny; tahaka an'ilay lehilahy manao ny fisotroany voalohany, mifoka ny sigarany voalohany, miteny ny laingany voalohany, mando ny vadiny voalohany; na ilay vady vavy izay mando an'ilay vady lahy, na manao zavatra izay ratsy; toy ny hoe nisy lali-kena iray fotsiny namely azy ireo, ary izany... izy ireo—niangona izy ireo tamin’ny alâlan’ny... nitombo tao anatin’ireo atodin-dalitra sy ny loto, satria izany no teo amin’ny fanahy maty iray tao amin'ilay anatiny. Ireo fanahy ratsy no miditra ao anatiny. Ary fanahy ratsy anankiray no manao azy hanao zavatra hafa; ary tonga

ny iray hafa, manao azy hanao zavatra hafa satria izy ireo nanao an'ity.

¹⁴⁶ Andriamanitra, enga anie izy ireo hivily lâlana ka ho tonga eo amin'ny Fiainana. Enga anie izy ireo hitsangana, ka hidina miaraka amin'ireo fanomezan'ny Fiainana Mandrakizay ireo Anjelin'Andriamanitra, Tompo, ka handeha avy amin'ny fandresena ho amin'ny fandresena. Ekeo izany, Ray. Mivily lâlana izahay, izao hariva izao, miala amin'ireo zavatr'izao tontolo izao sy ireo fiahian'izao tontolo izao, nampitandreman'Andriamanitra hoe antomotra ny fotoana, hiverina eto an-tany Jesosy. Ary enga anie ilay Fanahy Masina Lehibe hanome anay, izao hariva izao, an'io Fiainana Mandrakizay izay andrasanay io. Ekeo izany, Tompo. Izahay dia—mivavaka fotsiny izahay mba Hanekenoa an'ireo fitahiana ireo ho anay raha mangataka azy ireo amin'ny Anaran'i Jesosy Kristy izahay.

Miaraka amin'ny lohantsika miondrika:

¹⁴⁷ Fahiny ela be ireo olon-kendry dia nanatona an'io... nanaraka an'io Hazavana io hatrany amin'ny... nahita an'ilay Hazavana Tanteraka izy ireo. Ary enga anie ilay Hazavana kely, izao hariva izao, izay nanao anareo hanangana ny tànanareo, na angamba tsy nanangana akory aza ianareo... Izany dia namely anareo, nefo tsy nanangana ny tànanareo mihitsy akory aza ianareo, enga anie io Hazavana io hitari-dàlana anareo mihitsy hatrany amin'io Hazavana Tanteraka io.

Ndao hitsangana fotsiny isika rehetra, ho an'ny fotoana fanokanan-tena kely iray.

¹⁴⁸ Ndao isika hanao ny fo kelintsika eto, izao hariva izao, ho toeram-ponenana iray ho an'i Kristy. Tsarovy, izao hariva izao, ilay tantara keliko mahatsikaiky ny amin'ilay mpirenireny. Izao hariva izao, marina tokoa, dia Jesosy Kristy io mpirenireny eny an-dàlambe io. Marina izany, Izy—Izy dia mpirenireny iray teny an-dàlambe. Oh, hia, hoy isika hoe, "Manompo Azy isika." Azo antoka. Ireo girilandy sy mangirangirana rehetra, tsy izany Izy. Tsy izany Izy. Tsy maintsy maty Izy mba hitondra an'io Fanomezana io ho anareo, tsy saribakoly iray, fa Fiainana. Tsy maintsy maty Izy mba hanaovana an'izany, mba ho tonga eo aminareo, ny fomba tokana izay Nahafahany ho tonga eo aminareo. Tsy afaka ny ho tonga eto fotsiny Izy ka ho Olona tanteraka iray, tahaka ny naha-izy Azy, ary ho tonga eo aminareo. Tsy afaka nanao an'izany tahaka an'izany Izy. Tsy maintsy maty Izy mba hanaovana an'izany, mba hitondra—hitondra an'ilay Fanomezan'Andriamanitra eo aminareo. Tahaka an'ilay—ilay mpirenireny izay tsy maintsy maty mba hitondrany an'ilay saribakoly kely teo amin'ny zananivavy, dia tsy maintsy maty Kristy mba hitondra an'Andriamanitra eo aminareo. Te-hanaiky an'Izany isika izao hariva izao. Ary

mino aho, miaraka amin'ny lohantsika miondrika, . . . ndao isika hanangana ny tànantsika amin'Andriamanitra ka hanokana ny fiainantsika indray, eto mihitsy izao hariva izao.

¹⁴⁹ O Andriamanitra Mpiahys, izahay—mila Ny Fanomezanao izahay. Izaho—izaho dia eto, arak'ity vanim-potoan'ny Krismasy ity, Tompo, satria fantattro ary mijery ny eto an-tany aho ka mahita an'ilay girilandy sy mangirangirana an'ilay andro, izaho—izaho dia afaka mahita fotsiny an'ilay . . . any ankoatra, araka ny nolazain'ny Baiboly, ity taona Laodikiana ity, dia any ivelan'ny Fiangananao Ianao. Nolavina Ianao, mpandositra iray amin'ny Fiangananao Manokana sy amin'ny Olonao Manokana. Ianao dia—Ianao dia—nolavina Ianao. Ny—ny mpandositra iray dia zavatra iray izay nolavina, ary Ianao dia nolavina tao amin'ny Fiangananao Manokana. Nolavina Ianao teo anivon'ny Vahoakanao. Tsy mila Anao izy ireo, Tompo, ary nandao Anao izy ireo, tahaka an'ilay mpirenireny, teny an-dalambe. Andriamanitra, Ianao—Ianao—nanohy Ianao, maty na ahoana na ahoana, mba Ahafahanao mitondra an'ilay Fanomezan'Andriamanitra eo aminay. Ary manaiky an'Izany am-paneatre-tena izahay, Tompo. Mivavaka aho mba Hamenoanao fotsiny ny fonay sy ny fiainanay. Ary avilio lâlana izahay, manomboka amin'ity hariva ity, ka enga anie izahay ho masina ho Anao raha manokana ny tenanay ho Anao izahay.

¹⁵⁰ Raiso aho, Tompo. Maro ny fahadisoan'ny fiainana izay nataoko. Ary, Andriamanitra malala, raha—raha izaho—raha mitsangana eto ambonin'ity toerana masina ity aho izay efa nitoriana ny Filazantsara sy izay nahitanay Anao, na dia tao amin'ny—Hazavana lehibe iray izay namiratra teo ambonin'izy ireo aza. Ary tena mankasitraka izahay ny amin'izany, Tompo. Izaho—manokana ny tenako ho an'ity Krismasy ity aho, tsy ao amin'ny . . . ary tahaka ny hataon'izao vontolo izao na mba—na mba hamadika pejy vaovao. Tompo, izaho—te-hanaiky Ny Zanakao fotsiny aho. Izaho—te-hanaiky Ny Fanomezanao aho, Tompo.

¹⁵¹ Te-hanaiky ny Fanomezan'ny Fiainana Mandrakizay amin'ny alalan'i Kristy aho. Ary izaho, marina tokoa, Tompo, dia manaiky ny Fanomezan'ny Kristy ho ahy, mba hiezaka hahazo ny hafa ho Anao. Andriamanitra, izahay tsirairay avy . . .

¹⁵² Ataovy ho tena malemy fanahy sy manetry tena ilay mpiasan-trano kely, mba hahafahany hitarika ny hafa eo Aminao. Ilay Fanomezana izay Omenao azy, ilay maha-vehivavy tahaka ny ramatoa kely, enga anie izy ho tena tahaka ny ramatoa hany ka hahita azy ireo mpiara-monina ka—ka te-hitovy aminy.

¹⁵³ Ataovy ilay lehilahy, ilay mpiasa ao amin'ny fivarotana, na iza izy na iza, Tompo; ataovy fiainana iray manetry tena izy, tahaka an'i Kristy, mba hahitan'ireo hafa. Tsy fantatray hoe aiza no itsanganan'ireo olona ireo any ivelany any, Ray, fa tsy tianay

mihitsy ny hiala amin'ilay lèlana lehibe, fahiny; fa hiankina mankany aoriania izahay, hiankina mankany aloha, hanolotanana hatraiza hatraiza mba hahazo fanahy iray. Apetraho eo amin'izay takatray izany, Tompo, mivavaka izahay. Ary omeo anay ilay—ilay—ilay fiainana izay hanao ny olona te-hiaina tahaka an'izany, raha manokana ny tenanay ho Anao izahay, izao hariva izao. Amin'ny Anaran'i Jesosy Kristy. Amena.

Ankehitriny, raha hanondrika ny lohanareo indray ianareo, dia te-hirary ny tena Krismasy sambatra iray ho anareo tsirairay avy aho:

¹⁵⁴ Enga anie ilay Fanomezana Krismasy lehibe, ilay Anankiray voalohany sy ilay tokana sy ilay tany am-boalohany ary ilay hany Tokana izay misy, Jesosy Kristy, ho vaovao ao anatin'ny fonareo izao hariva izao. Enga anie ny Fanahy Masina ho tonga eo aminareo ka hitondra an'ireo fanomezana ho an'ny asam-panompoana sy ireo zavatra avy amin'Andriamanitra, ka ianareo... fanomezana iray mba ahafahanareo miaina fiainana iray tsaratsara kokoa. Izany no ilaiko. Aleoko manana ny Fiainan'i Kristy ao amiko hiaina malemy fanahy sy mandresy toy izay ny fanomezana rehetra an'ny fanasitranana, ireo fanomezana an'ny faminaniana, ireo fanomezana hafa rehetra ireo; omeo ahy fotsiny Jesosy. Avelao aho hiaina an'ilay Fiainana, ilay Fiainana dia izany no tiako iainana. Tiako ny hiaina mba hahafantaran'ireo hafa. Izany no—izany no faniriako amin'ny Krismasy, ary mivavaka aho mba ho izany no fanirianareo. Ary mivavaka aho mba hanomezan'Andriamanitra antsika ny Faniriany.

¹⁵⁵ Ankehitriny, ndao isika hahazo teny iray avy amin'ny pasitera, ary fampiravàna iray. Ary Andriamanitra hitahy anareo. Hahita anareo indray izahay amin'ny Alarobia hariva. Mandra-pahatongan'izany fotoana izany, dia Andriamanitra hitahy anareo.



MAHITA NY TOERANY FOANA
IREO FANOMEZAN'ANDRIAMANITRA MAG63-1222
(God's Gifts Always Find Their Places)

Ity Hafatr'i Rahalahy William Marrion Branham ity, izay notoriana tamin'ny Teny Anglisy hatrany am-piandohany ny Alahady hariva, 22 Desambra 1963, tao amin'ny Branham Tabernacle ao Jeffersonville, Indiana, U.S.A, dia nalaина avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2017 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org